

詩集

足曾文正公全集

乙亥二月

杜就田署



曾文正公詩集目錄

卷一

詠史五首，
里胥，
歲暮雜感十首，
寄郭筠仙浙江四首，
雜詩九首，
送凌九歸，
送吳榮楷之官浙江三首，
題錢崙仙同年慈平竹安圖二首，
送楊春皆歸，
題毛西垣詩集後，即送之歸巴陵五首，
題顧南雅先生畫梅，應何子貞，
三十二初度次日書懷，
憶弟二首，
寄懷劉孟容，
早起憶九弟二首，
得郭筠仙書並詩，卻寄六律，
傲奴，

曾文正公詩集 目錄

題周小邨前輩塞外課經圖，
瓊瓊行戲簡何子敬，乞醃菜，
地用莫如馬二章，
反長歌行，
漫與，
寄弟三首，
獨出，

訪苗先籠，
懷劉蓉，

題畫蘭三首，應田敬堂同年，

贈何子貞前輩，

題唐鏡海先生二圖，

題龍九詩，

聞客話里中近事，

歲暮雜感十首，

(凡八十五首。)

卷二

感春六首，

元戎，

溫甫讀書城南，寄示二首：

早發沔縣遇雨，

初入四川境喜晴，

爲何大令題明趙忠毅公鐵如意，

贈李生，

桂湖五首

梓潼道中有懷馮樹堂陳岱雲，

早發武連驛憶弟，

入陝西境六絕句，

西征一首呈李石樞前輩，

留侯廟，

柴關嶺雪，

廢邱關，

三十三生日三首，

讀李義山詩集

國士橋，

至日二首，

岱雲同年喪妻，爲此詩譬之，

喜筠仙至，卽題其詩集後，

雨，

寄弟，

哭少時同學某，

送吳英樾之官浙江，兼簡魏黃牛大令，三首，

六月二十八日大雨，渴君樹堂周君芥農郭君筠仙方以試

事困於場屋，念此殆非所堪，詩以調之，

芥農既和余詩，而三子者皆見錄於有司，乃復次韻，

送妹夫王五歸，五首，

送鄧伯昭兼簡家伯醇秀才，三首，

莫過竹如，

題明陳忠愍公雪聲堂硯，爲唐觀察樹義作，

酬九弟，四首，

乙巳春闈，謝戴醇士前輩畫竹，

題畫竹，次醇士前輩韻，二首，

題醇士前輩爲滇生師畫竹，疊前韻，

請醇士前輩畫竹，歸貽樹堂，題詩一首，

又贈筠仙一幅，

謝岷樵，

送王子壽歸荊州五首，以『高步追許由』爲韻，

移居偶成，

贈梅伯言，二首，

送陳岱雲出守吉安
夜直苦寒

吳宮黃病中屬市鹿尾
臘八日夜直

(凡八十首)

卷三

丙午正月二日作

題篋谷圖

陳慶覃詩鈔題辭三首

憩紅詩課戲題一詩於後

送王孝鳳之雲南即題其尊人松菊圖

題錢崙仙癡燭修書圖

題孫君采芝圖二首

書朱皋亭家傳後

酬陳慶覃侍御

送周文泉大令之官城武

小池

東林杜氏義塾

茲晨

失題

題泛海圖

送凌十一歸長沙五首

送謝果堂前輩歸江南

失題四首

秋懷詩五首

酬薛曉鵬

題王少鶴箋砧課讀圖

送王少鶴

丙午初冬寓居報國寺賦詩五首

送舒伯魯

劉容詩

送莫友芝

題彭旭詩集後即送其南歸二首

丁未六月七日考試漢教習試院作二首

六月廿一爲歐陽公生日集邵二寓齋分韻得「是」字

酬李生三首

次韻戴醇士邵蕙西見過

題平谷山莊圖

武會試闈中作

題梅伯言扁舟歸養圖二首

書嚴太守大關賑糶詩後

曾文正公詩集 目錄

四

送黎樾喬侍御有歸六首，
題季仙九師采麋蕪菊圖
題張石舟煙雨歸耕圖

(凡六十七首)

卷四

送孫芝房使貴州二首，
書邊袖石詩集後二首，
太學石鼓歌

題朱伯韓侍御之尊人詩卷手蹟

題朱伯韓詩集後十首

送梅伯言歸金陵三首

送黃恕皆使秦中

北堂侍膳圖爲姚吏部題二首

題陳氏五世鄉賢遺像

韓齋爲孔舍人題

桐陰消暑圖爲史吏部題

題苗先麓寒鐙訂韻圖

養閒草堂圖爲潘博士題

陶太常小像

題篋篋谷圖

答李生

送唐鏡海先生九首

謝疊山賣卜研爲劉太守題

酬李辛仙二首

會合詩贈劉孟容郭伯琛

題楊忠愍公二疏手草

次韻何廉昉太守感懷述事十六首

題易公筠亭遺像

王母方太夫人

壬戌四月沅弟克復巢縣和州含山等城賦詩四首

沅圃弟四十一初度十三首

題唐本說文木部應莫邵亭孝廉

贈吳南屏

讀吳南屏送毛西垣之卽墨長歌卽題其集二首

游金山觀東坡玉帶詩

贈李眉生

題俞蔭甫羣經平議諸子平議後

謝王王秋徐州見贈之作

按求詩二首

(凡八十六首)

曾文正公詩集 卷一

詠史五首

卽粵有賢宰，四鄰戒侵陵。惡犬守門閭，乃爲盜所憎。易如振落葉，乘郵孰蹶興？重傷禽二毛，龜暴職所應。文王事昆夷，厥隊亦何曾？大氣舉六合，中懸其奚勝？功高而不賞，謠詠來青蠅。吳起泣西河，伏波觸炎蒸。長城訖自壞，使我涕沾膺。

莫民在辭憚，渙汗自古重。人心有激宕，天意方涵洞。無辜或于罹，有罪覆解縱。九關森虎豹，闕越不可訟。長星十丈餘，白日墮霾霧。翺飛逐醜殺，燕雀爾何闊？彼借劍子憤，切言絕痛。豈檻示含容，讒說格不用？噫乎天蓋高，勿教家父誦。

觥觥孔大夫，經術致通侯。不如說災異，京翼多忠謀。荃闌化爲茅，蕭艾莫好修。折衝無精神，夸毗徒體柔。九有而畏人，君知所謂不？喟然布體肢，營魂久漂流。一朝冒六氣，何以葆春秋？

萬物盜天地，豈況鼠在倉？大木忽顛揭，所食與俱亡。筦子椎魚鹽，本在四維張。蚩蚩足衣食，相與存紀綱。磊磊瞻紫宮，中官尊且彊。銀河界清淺，列舍但遙望。天錢與列肆，箕舌終夕張。咄哉左執法，知案羽林郎。

虞舜明四目，世乃請重瞳。淵魚察不祥，舉鬻失蛟龍。荏苒支大廈，焉知棟橈凶？千金購國醫，當在草澤中。汪秦匿肘腋，宗李知

無功。開元變天寶，舉世思姚崇。生民有治亂，悵望風雲空。

里胥

牛羊忽竄突，邨社雜喧騰。昨聞府牒下，今見里胥來。召募赴戎行，羽檄馳如雷。後期不汝宥，行矣胡遲徊？老嫗搥胸哭，哭聲亦何哀？龍鍾六十餘，伶仃惟一兒。弱小不識事，黃犢母之隨。筋力儻可食，或免一家飢。薄命不足惜，兒去傷永離。老嫗泣未闌，老翁跪致辭。王事亦云棘，婦人那得知？螻蟻穴寸土，自荷皇天慈。天威有震疊，小人敢疑猜？貧者當敵愾，富者當輸財。便當遣兒去，不勞火急催。所媿無酒食，與吏佐晨炊。貧者勉自效，富者更可悲。隸卒突兀至，誅求百不支。荷荷納袴子，纍纍飽鞭笞。前卒貪如狼，後隊健如犖。應募幸脫免，傾蕩無餘貲。吁嗟朝廷意，兵以衛民爲。守令愼其柄，無使胥吏持。此輩如狐鼠，養養肆恣睢。聊爲道人徇，敢告良有司。

歲暮雜感十首

芒屨鎮日踏春還，殘臘將更卻等閒。三百六旬同逝水，四千餘里說家山。縑塵已自沾京雒，羌笛何須怨玉關？爲報南來新雁到，故鄉消息在雲間。

高帽山下是儂家，歲歲年年鬪物華。老柏有情還憶我，天桃

無語自開花。幾回南國思紅豆，曾記西風浣碧紗。最是故園難忘處，待鶯亭畔路三叉。

莽莽寒山匝四圍，門穿望不到庭闈。絮飄江浦無人管，草綠湖南有夢歸。鄉思怕聽殘漏轉，逸情欲逐亂雲飛。敬從九烈神君脈，遊子於今要換衣。

去年此際賦長征，豪氣思屠大海鯨。湖上三更邀月飲，天邊萬嶺挾舟行。竟將雲夢吞如芥，未信君山割不平。偏是東皇來去易，又吹草綠滿蓬瀛。

紛紛節候儘平常，西舍東家底事忙。十二萬年都小劫，七千餘歲亦中殘。蜉蝣身世知何極，胡蝶夢魂又一場。少昊笑儂情太寡，故堆錦繡富春光。

韶華彈指總悠悠，我到人間廿五秋。自愧望洋迷學海，更無清福住糟邱。尊前瓦注曾千局，腳底紅塵卽九州。自笑此身何處著，笙歌叢裏合閒遊。

爲賦爲否兩蹉跎，搔首乾坤踏踏歌。萬事拚同駢拇視，浮生無奈繭絲多。頻年蹤迹隨波謫，大半光陰被墨磨。匣裏龍泉吟不住，問予何日斫蛟鼉。

舊雨曾遺尺鯉魚，經年不報意何如。自從三益睽違久，學得五君世態疏。碧樹那知離別恨，青燈偏照故人書。殷勤護惜金鑪鴨，香火因緣付與渠。

擬學坡公饋歲詩，花箋何處寄相思。陽和未老貂先敝，暖氣

初回鳥竟知。遊子情懷隨地遠，天家雨露及時施。小儒莫獻昇平頌，幸傍龍樓覩上儀。

鑿鑿歲鼓走輕雷，竹馬兒童綵戲纒。仙仗九重圍霧住，宮花一萬鎖煙開。迷離佳氣從空繞，不斷狂香拂面來。我比春風尤放蕩，長安日日聘龍媒。

寄郭筠仙浙江四首

一病多勞勤護惜，嗟君此別太恩恩。十年辛苦詩書裏，強半光陰道路中。更走會須營窟穴，鴻飛原不計西東。讀書識字知何益，贏得行蹤似轉蓬。

碣石遙遙起陣雲，樓船羽檄日紛紛。螳螂竟欲當車轍，黿鼉安能抗斧斤。但解終童陳策略，已聞王歆立功勳。如今旅夢應安穩，早絕天驕盪海氛。

無窮志願付因循，彈指人間三十春。一局楸枰成夢幻，百圍梁棟藉輪囷。蒼茫獨立時懷古，艱苦新嘗識保身。自愧太倉糜好爵，故交數輩尚清貧。

向晚嚴霜破屋寒，娟娟纖月倚檐端。自繙行篋殷勤覓，苦索家書展轉看。宦海情懷蟬翼薄，離人心緒繭絲團。更憐吳會飄零客，紙帳孤鐙坐夜闌。

雜詩九首

早歲事船槩，傲兀追前軌。張網掣鰲維，登山造岌嶷。述作窺韓愈，功名鄰侯儼。三公渺如梯，萬金脫如屣。腸胃鬱千奇，不敢矜

爪觜。稍待蘭蕙滋，烈芬行可喜。豈期撻鴛鴦，前驅不踰咫。滔滔大江流，年光激若矢。春秋三十一，頽然亦如此。染絲不成章，橘還化為枳。壯盛百無能，老蒼真可恥。懣懣吾所甘，多是慚毛裏。

西山何鬱鬱？白日馳昭昭。六街淨如練，雙闕凌神霄。沈沈府中居，員井鏤瓊瑤。翠巖周四角，騰霧漾蛟綃。公子盛文藻，九陌鳴金鑣。羣從袂成幘，掠風馬蹶驕。紅燭舞絳雪，會宴皆金貂。朝餐羅鱸鯉，晚衙沸笙簫。今夕既相醉，明日還見招。天高地則厚，何事不逍遙？

手職不烘烘，足跡不趨徑。問我何自苦？我歌君且聽。激湍無駐波，止水光凝凝。棖棟與樽壚，豈曰非天定。束蒿代虹梁，於道未爲稱。朝菌濡濃露，天天不及暝。適意一須臾，骨朽猶詬病。可憐華子醉，夢幾時醒。炫妝豈無服？自媒羞妾媵。已矣吾何營？閉戶覽明鏡。

傷禽悲弦聲，遊魚驚月影。丈夫貴倔強，女子多虛警。強弧有時弛，夷塗有時梗。颶風揚海濤，潮平已復靜。君子別有憂，衆人恐未省。

霜落萬瓦寒，天高月皓皓。美人在何許？相思心如擣。我昔覲美人，對面如蓬島。神光薄軒墀，朱霞蕩初曉。彩鳳儀丹霄，顧視無凡鳥。意密恩還疏，微誠不敢道。貽我彤管煒，粲兮希世寶。可憐金屋恩，長門閤秋草。謠詠日以多，觀閱曾不少。寵眷難再得，蛾眉行衰老。區區抱私愛，夜夜祝蒼昊。

曾文正公詩集 卷一

天雞鳴半夜，六合未清曉。烏鵲鳴叫晨，羽毛誇矯矯。一旦金丸驚，戢翼暗百鳥。鳴鵲流惡聲，萬方憂鬱鬱。青蠅鳴棘樊，繆彰復虛鼎。聞鳴百無補，嗟爾秦吉了。螻蟻草間鳴，亂人徒擾擾。

入門忽怳怳，出門復皇皇。嗟我素心人，各在天一方。庸夫厭鼎食，誼士謀糟糠。奔走徧天下，歸去仍空囊。秋老江湖闊，何以慰淒涼。勿勞我之思，我今足稻粱。所憂非所職，所樂殊未央。日暮登高邱，四顧何茫茫。落葉東南飛，孤雁西北翔。思君不得觀，慘澹詠斯章。

松柏巖危巖，葛藟相鉤帶。兄弟非它人，患難亦相賴。行酒烹肥羊，嘉賓填門外。喪亂一以聞，寂寞何人會。維鳥有鸚鵡，維獸有狼狽。兄弟審無猜，外侮將予奈。類爲同岑石，無爲水下瀨。水急不可磯，石堅猶可磕。誰謂百年長，倉皇已老大。我邁而斯征，辛勤共羈縻。來世安可期？今生勿玩惕。

誰能烹雉燕？我願療桑薪。誰能釣巨鼈？我願理其綸。南澗筆瀝灑，可以羞鬼神。大材與小辨，相須會有因。嗟余不足役，豈謂時無人？

送凌九歸

白日杲杲黃埃飛，君胡少住遽言歸？萬族由來各有託，借問君心何住著？自言暫歸奉晨昏，溫席不暖還出門。丈夫生世會有適，安能側身自踟躕？南箕北斗徒虛名，東走西顧知何益？弊折已覺素心違，璞獻況逢俗眼白。要將萬舞誇輝光，肯爲兩言求恩澤。

皇天畀我非不豐，平生長策能固窮。一飽那爭雞鶩食？萬事從付馬牛風。君家才望人所豔，兄弟縱橫兩龍劍。霜蹄躡教長坂蹶，雲漢終向天庭揆。卽今歸去慎勿稽，歲時努力謀鹽齎。綵衣好娛老萊母，椎髻尙有梁鴻妻。我亦屢尋還鄉夢，年年送人頗自諷。送君無酒爲君歌，楊花如海奈愁何！

送吳榮楷之官浙江三首

讀書三十年，今來始一試。自抱輪囷材，搆廈隨所置。世人苦寒儉，舞袖先擇地。斤削不能還，罌盎各自器。君子儲百用，多藏如列肆。深厲與淺揭，所向皆如志。君本青雲士，摩空排健翮。置之承明廬，枚馬當偃轍。才多厭閒散，翩然去作吏。方今清華秩，駢拇僅云備。不如膺專城，張弛從吾意。觀魚莫結網，網過酷於餌。治絲莫求多，緒多亂神智。聖朝淪治恩，阪漈實漸被。可憐蚩蚩氓，惛惛還好義。願君愷弟思，隨時勞撫字。

西湖吾未到，夢想若遇之。荷花夏如海，當春萬柳垂。秋月隨潮湧，暮霽天無涯。三百六十寺，嵐翠渺迷離。君去事幽討，決別發天倪。餘慳收昔遁，奇賞獲新知。朝餐吸山綠，暮雨張水嬉。尋碑喚梅藥，獨往無人隨。政成無一事，風流方在茲。懷抱一如彼，江山復如斯。此樂可持贈，寄我千首詩。

鄉門昔相從，殷勤託詩酒。再來長安道，舟車竝攜手。如今彌曠遠，脫然絕窠臼。少年尙意氣，崢嶸各自狂。風塵飽所諳，蒼然皆老醜。激湍亦已平，真氣充戶牖。相見無藩籬，灑落真吾友。昨夜秋

風來，颯颯涼生柳。念子當飛離，旁皇如失守。萬族各有營，歡聚焉可久？意趣苟無違，秦越如左右。後會知何年，今茲歲在丑。

題錢崙仙同年慈竹平安圖二首

冉冉南山竹，柯葉互檀欒。上右一片雲，下有九晚蘭。清風相戛擊，虛碧鳴秋寒。鈴鐸走鞭散，抗衡勁節干。養成兩雛鳳，文采何珊珊。高枝足棲宿，芳實供朝餐。歸昌忽采律，言振九霄翰。引吭發鈞奏，俯視失鸞鸞。卽顧貧簞谷，依舊青琅玕。年年託美蔭，歲歲祝平安。

紅塵日夜深，遊子思無已。倦鳥有時還，桑弧有時弛。我有山中廬，樺籬夾綠水。修竹倚大椿，重重互幡纒。發條播芳蕤，清陰亦何美。依戀會有因，庶往恭桑梓。殷勤寸草心，區區方在此。

送楊春皆歸

去年同送蕭郎歸，心如風幡亂掀簸。今君告歸亦何遽？臨別無言但兀坐。君才捷敏非常儔，早時羣書讀已破。堆案細字如毫毛，擲筆新詩成咳唾。竭來燕市騁逸足，聊隨鷺塞爭芻蕘。出門百錢買轎車，入戶一編旋蟻磨。虛北邺金古所悲，五年長安竟坎壈。剖瓠作尊何所容，種柏傍石終不大。首途雖舛心愈雄，懷寶空奇時難貨。嗟余昏懦百無能，與世尅齟齬得過。忽逢良友相鏘磨，有似酒狂得史佐。隔日一見歡未闌，鼓缶鳴箏唱復和。削除蟻蝻得平夷，厭見俗氛揚坳堦。可憐俠氣干層雲，時有忠言驚四座。一麾從此悵分離，萬事何當付嬾惰。方今廊廟構羣材，搜林剔穴行可

賀看君形容不易凋，顧此芒刃豈終挫？明年仍騎瘦馬來，滿面還受緇塵灑。

題毛西垣詩集後，卽送之歸巴陵五首：

伐木截兩端，半作機尊半溝壑。南鄰北里輕薄兒，昨日薰騰今冷落。巨屨小屨天所區，焉能屑屑齊美惡。勸君把酒持雙螯，百年爛醉拚嬉遊。不學陋儒談狗曲，修褻整巾徒碌碌。

歐君昔言鄉國彥，汝與吳生皆狂狷。看汝緘古得新機，惜哉弋時無急箭。獨抱質伯辭雕鐫，世人皆憎我獨羨。金盤銀醖有時灰，得不垂顧餅與疊。

朝誦幽通賦，夕吟顯志篇。咄哉此子頗聞道，煩毒迷惑劇可憐！古來騷人都如此，君亦苦語相糾纏。日月瀟灑百蟄蘇，老抱幽憂胡爲乎？

長義江頭白髮翁，扁舟如瓦飄西東。船頭得魚船尾煮，睥睨哈哈笑婦孺。王稅早輸百無事，從古不遇打頭風。君家正臨洞庭水，一飽弄舟樂何底？舍此他求真左矣！

我生乾坤一贅人，逐衆轉徙如飛蚊。袞袞臺省無相識，紛紛時事了不聞。門外車馬何隱轡，獨立階下看浮雲。君今歸哉渺千里，我方塵土無窮已。

題顧南雅先生畫梅，應何子貞。

詩老餐冰老更臞，傾身謀醉一錢無。忽然嚼梅供大噉，笑吐滿紙森模糊。當時酒徒相饋餉，至今遺墨何清腴。平陵公子亦好

事，巧偷豪奪無罪辜。時將巨障補空壁，已覺暗香來座隅。長安一雪寒切膚，冷官瑟縮同圍爐。開眼忽到西湖上，四更殘月孤山孤。我聞繪事通草隸，此語自古誰云謬？何君作書妙天下，生吞百虎心膽甌。世人祇解傳提蠟，獨能養氣真吾徒。莫言書畫直小道，不到聖處寧堪娛？呼嗟詩老不可作，君雖抱此徒區區。

三十二初度次日書懷

男兒三十殊非小，今我過之詎足歡！齷齪挈瓶嗟器小，酣歌鼓缶已春闌。眼中雲物知何兆，鏡裏心情祇獨看。飽食甘眠無用處，多慚名字偶鵷鵠。

憶弟二首

無端繞室思茫茫，明月當天萬瓦霜。可惜良宵空兀坐，遙憐諸弟在何方？紛紛書帙誰能展，豔豔燈花有底忙？出戶獨吟聊妄想，孤雲斷處是家鄉。

忽憶他時裏水上，惡風半夜撼春雷。舟人捩舵聲同泣，客子扶牀面已灰。仰荷皇天全薄命，信知浮世等輕埃。汝今歸去復何似？回首世途誠險哉！

寄懷劉孟容

清晨采黃鞠，薄莫不盈鬴。寧知弟昆好，忍此四年別。四年亦云已，萬事安可說？昔者初結交，與世固殊轍。垂頭對鐙火，一心相媚悅。炯然急難情，熒熒光不滅。漣濱一揮手，南北音塵絕。君臥湘水湄，辟人苦局蹐。懷璧誤一投，已遭官長削。我作燕山囚，衾襪冷

如鐵。塵土塞中腸，經旬間嘔泄。夢魂互往還，邂逅在嶰嶢。君魂畏豺虎，我魂阻蛇蠍。明年會長沙，對牀殊咄咄。可憐郭生賢，日夜依我闌。三子展殷勤，五旬恣猖獗。自從有兩儀，無此好日月。決渠東西流，人事有蹉跌。當時別江干，懸知成久闊。郭生從我行，再踏長安雪。束蒿貢廊廟，塗丹強作園。磐松困涸底，千歲老不屈。行藏一以歧，會合焉可必。知君障汚塵，憎我逐煩熱。摧蘭擣作麝，本器固難奪。皇天造羣倫，位置各成列。煌煌帝者都，義義集勳閥。前庭充組圭，後閣煖清瑟。大馬疾如飛，高車如電掣。陋巷時騎過，牆震牕紙裂。而我支肘眠，朦朧兀頑劣。視蔭呼晚飯，終年曾不缺。癡兒亦肯堂，四齡已饔養。所愧倫太倉，無異哀窮乞。羨君老巖阿，閒味甘於蜜。嗟哉趣豈殊，所處良不一。坦蕩觀皇途，轉側思家室。永懷素心人，悠悠難具述。

早起憶九弟二首

別汝經三月，音書何太難。夜長魂夢苦，人少屋廬寒。骨肉成飄泊，雲霄悔羽翰。朝朝烏鵲噪，物性固欺謾。尚餘詞賦好，隨衆頌康哉。報國羌無力，擎天別有才。寒雲迷雁影，遠道望龍媒。百尺金臺盡，看君驛馬來。

得郭筠仙書，並詩仰寄六律

展轉看書字，嗟君亦老蒼。昊天眞藐藐，白日故堂堂。與子相期事，窮年恐不償。憂來聊飽食，吾壽會無央。大雅悲淪歇，斯文久不尊。至情宜倔強，吾道有籬藩。仰首呼

虞舜，狂歌答屈原。自非君子性，茲意固難論。垂耳甘芻豆，儒冠信誤人。長爲羈旅客，嗟汝少年身！物極能思返，天心會好仁。鹿鳴歌旨酒，滴滴入君唇。閒閒觀物化，耿耿究時噴。誼士羞要譽，廉夫重報恩。賈憎惟片語，求福實多門。種蕙怡幽獨，歸休勿復言。昨來殊不適，日落獨登樓。西北看遼瀋，東南望海陬。蒼茫懷百代，浩蕩足千愁。畫肚思長策，嗟余肉食謀。日日懷劉子，時時憶郭生。仰天忽長歎，遶屋獨巡行。雲暗乾坤隘，風來戶牖鳴。孤吟無與賞，寸恨浩縱橫。

傲奴

君不見，謫郎老僕如家雞，十年答楚心不攜。君不見，卓氏雄資冠西蜀，顧使千人百人伏。今我何爲獨不然，胸中無學手無錢。平生意氣自許頗，誰知傲奴乃過我。昨者一語天地睨，公然對面相勃谿。傲奴詎我未賢聖，我坐傲奴小不敬。拂衣一去何翩翩，可憐傲骨撐青天。噫嘻乎！傲奴安得好風吹汝朱門權，要地看汝倉皇換骨生百媚！

題周小邨前輩塞外課經圖

肉食多亨途，通儒遭百閱。時蹇心匪乖，身窮道未寤。周君信奇俠，天機苦捷敏。昔歲乘青驄，羣飛畏秋隼。偶被金丸驚，可憐翠羽隕。十年遼海行，九月邊風緊。銅雀夢觚棱，鐵衣錦纈純。自信茲遊豪，甘受世人哂。日日拘叢書，森森如束筍。吾道儻欲東，獨善良

不忍此邦盛琳琳多士紛簞簞斧斤試一施穀率聊可引弟子初反車先生大倒困文固張百旂經奮接千軫但期道傳薪未要歸載翻昨者唱刀環塞外回文軫勝事告友朋餘味足咀吮方今柄師儒華秩半卿尹虎觀車如龍辟雍市如蟹會看招旌旆且須嚴轡翻稽古榮復榮吾言非蠢蠢

瑣瑣行 戲簡何子敬乞醃菜

瑣瑣復瑣瑣謀道謀食無一可大人天矯如神龍細人局蟻如螺贏皇皇百計營齏鹽世間齷齪誰似我既不學虎頭食肉飛將軍又不能駝峯犀辟醉紅裙長將野蔬說奇錯春筍秋芋評紛紛拙妻嘲訕婢子笑可憐先生了不聞苦思鄉國千里月夢想牀頭一甕雲君家醃菜天下知忍不乞我賑朝饑丈夫豈當判畛域仁者況可懷鄙私炯炯予心天所許堂堂此理君莫疑忽憶條侯理入口黃頭銅山竟僵搖功高七國安如山錢布九州浩如藪當時鼎烹會親賓後日饑腸作牛吼今我與子俱不材懷拘傾倒饒開取與廉惠兩無猜青天白日森昭回不醉不飽胡爲哉

地用莫如馬二章思賢也

地用莫如馬越險思驍騰豈無汗血種相求亮未曾萬鍾繼粟粟千金登鉤膺隆儀苟一闕市駿休漫稱人用莫如龜幽室能廢燭告猶儻見從外侮敢余毒從短翻棄長惜哉支林足良無藻稅登不如塗泥辱

反長歌行

義和驅日如驅豕鞭之不行汗流泚頃刻奔馳過百年老盡世人渠獨喜渠獨喜我寤愁已拚一老百無恥馮夫子我歌君莫鄙柏梁銅爵安在哉盜跖唐堯俱朽矣北翁得馬知何祥臧穀亡羊定是誰平原轉眼成嵩邱華屋隔宵生荆杞上蔡黃狗空歎嗟洛陽銅駝百遷徙萬事支離那可論吾生得失亦如此卻笑張毅空飾文更憐單豹強治裏修爨修爨皆虛名老向人前矜爪髯君看從古軒赫人一半名場夸毗子今晨令問傾王侯明日枯槁飽蝸蟻銘功誅德千萬言可信人間有真史馮夫子我歌君且起君今三十胡皇皇浮名驅君不自止頻嗟短景難少延使得長春寧足恃世間自有清淨業日往月來了無累人迹不到禽不來萬年廢井養秋水

漫興

今日今時吾在茲我兄我弟儻相思微官冷似支牀石去國情如失乳兒見慣浮雲渾欲語漫成詩句未須奇徑求名酒一千斛轟醉王城百不知

寄弟三首

去年長已矣來日尙云餘身弱各相祝家貧儻有涯鄉心無住著望眼久昏花寥落音書闊多疑驛使差咄咄延平劍英英江夏黃求聲方出谷一別各他鄉東下江河駛南征道路長汝儻身手健看我鬢毛蒼夢裏攜予季亭亭似我長三年不相見一變安可量神駿初

銜轡，牽牛肯服箱。朝朝偷芋栗，知爾足奔忙！

獨出

匪直完裘好，今年故未寒。晚來歸獨出，宇內一何寬？銜尾千人聚，高蹠百馬槽。天街原蕩蕩，辟路亦非難。

訪苗先麓

大隱東方朔，箸書揚子雲。出門無所詣，落日一從君。倦鳥宜何集？閒鷗亦有羣。烹茶餘幾火，小啜愧殷勤。

懷劉容

我思竟何圖？四海一劉容。具眼規皇古，低頭拜老農。乾坤皆在壁，霜雪必蟠胸。他日余能訪，千山捉臥龍。

題畫蘭三首，應田敬堂同年

淺紅生綃一尺半，描金蘭葉光爛爛。不知誰氏書畫船，遺作君家錦繡段。時棄時取了無憑，花若有情花亦歎。有客對此三沈吟，一夜魂飛洞庭深。故鄉蘅杜知我心。

洛陽三月天如銀，楊花浩浩愁殺人。美人璇閣弄鸚鵡，傷心

不敢當青春。獨對盆蘭訴幽怨，再拜且爲花寫真。腕輕著花祇嫌瘦，劍重放葉難爲伸。簾外雙雙雙蛺蝶舞，羨汝自在好要身。閑筆下階傍花立，臨風三嗅馨香泣。

田郎田郎似我孀，反鎖衙門走賓館。三年曉燕未曾甘，九晚蕓蘭行復滿。不願舉國揚芬芳，但願同心通惻款。晨書小楷眼欲花，午睡醒來日已斜。從容讀畫還煮茶。

贈何子貞前輩

九疑山水天下清，中有彥者何子貞。大謫老謀不自白，世人誰解此縱橫？八法道卑安足數？君獨好之如珉理。終年磨墨眼不眯，終日握管意未平。自言簡箋通性道，要令天地佐平成。怡神金鯽朝吹浪，失勢怒貌夜擣營。同心古來亦有幾，俗耳乍入能無驚。可憐四十好懷抱，空使九州播書名。嗟我波瀾頗莫二，知而不爲真不智。捧心恥與時爭妍，畫足久爲聖所棄。行當就子更柱弦，可能爲吾倒篋寄？去年一諾今未償，舊迹已陳誰復記？世間萬事須眼前，須臾變態如雲煙。煩君一揮清我室，驅逐毒熱無煩煎。高堂巨壁蛟龍走，鄙夫白晝欹枕眠。

題唐鏡海先生二圖

十月戎行圖

牛世不能學夔皋，裁量帝載歸甄陶。猶當下同郭與李，手提兩京還天子。三年海國困長鯨，百萬民膏餒封豕。諸公密勿既不臧，吾徒迂疏尤可恥。岱宗夫子唐太常，今日儒林有正軌。宗傳久已追濂伊，餘事猶堪作臆起。昨來示我戎行圖，回首軍興今一紀。九疑南去山連天，八排擁獠多於蟻。孫升驅伏巢穴繁，青絲白馬風塵駛。籌邊樓下雲屯營，臨賀嶺前雨注矢。先生獨出當九關，磨鍊衆心作高壘。千礮齊震雷破山，萬馬不嘶月如水。先生兀坐了不驚，秉燭從容讀書史。大儒意趣未可量，小醜蠱惑安足齒。功成行賞不自言，羞與駕駟較尺咫。我覽此圖發長歌，可憐黃髮今皓齒。

嶺！四海息兵無一事，先生且住安樂窩。

五原學舍圖

大兒垢膩衣短襦，小兒蓬頭語更吃。生長獠戶習繩行，不識詩書定何物？昨者縣門鼓如雷，太守如父從天來。走章馳檄到山寨，要與蠻俗辨頭顱。皇天於人何厚薄？未必蠻犵皆不才。一朝得與冠裳會，青天始見雲霧開。魑結公然被儒服，笑言嘖嘖歡且哈。山南伐石千指碎，山北挽木萬牛回。縮版登登日復夜，取次學舍高崔嵬。五原便同石渠閣，百丈似築通天臺。銅鼓薰笙雜弦誦，衣冠俎豆何文哉？但願使君長世世，坐看槃瓠成瓊材。豈期文翁難久借，至今蜀國有餘哀。披圖卻憶十年事，富川風物落酒杯。方今聖人舞干羽，溥海懷柔不用武。會崇我丈比桓丁，立使殊方變鄙魯。三老五更古所尊，嗚呼此事非小補。何時虎觀擁皋比，我亦執經走廊廡。

題龍九詩

李唐盛聲律，初響鏗華鐘。逮及下衰時，切切鳴寒蟲。扶輿發朝氣，百竇曜麟龍。缺月夜騰光，不與東昇同。秋霜入科木，色黯蒿與蓬。文章說心腑，本不從臆降。能者自植立，餘子靡隨風。孰於衆音賦？玉振開羣聲。君才美無度，大圭宜廟中。君詩如春融，秋爽亦自工。肉好用爲賢，琢刻生芒鋒。南輅斐然作，山水滌襟胸。雜什多未芻，略可芟彫茸。要道鏤不舍，金木隨所攻。且況力肯窮，奧阡辨西東。終然到聖處，今古誰雌雄？

聞客話里中近事

蓬萊清淺信推遷，回首鄉關事可憐！今日網簪陪末秩，早時社鼓舞華筵。陳平宰國無消息，庾信辭家有歲年。燈燈生涯非我里，滔滔四望極敷天。

歲暮雜感十首

殘歲垂垂盡，羣塵逐逐忙。世人同一悔，誰我獨顛狂。身計嗟頻左，家山亦未忘。時猶憂世事，此志固荒唐。殺氣行南紀，溫風轉北條。陽和迴地幹，神鬼助天朝。挾纊三軍舞，層冰萬里消。小臣長俾倖，無術贊唐堯。堯皋無並育，天地詎終溫。此日咸陽市，當年上蔡門。風雲悲昔遇，霜露等深恩。聞道南山木，窮冬尚負暄。壯歲耽經訓，艱難始一隅。力耕無近穫，陟古有通衢。茅塞由來久，蓬生且待扶。國讐猶未雪，何處著迂儒。四山仙侶會，角逐事磨歎。日日爲詩崇，人人被墨磨。相從良可適，不樂復如何？尚有平生友，飄零在澗阿。久矣劉生隔，嗟哉信爾賢。才高防作聖，情極屢逃禪。歧路多魑魅，深山足歲年。狂風能作劇，吹我墮君前。阿弟光明者，愛兄心尚孩。良時無汝共，雅抱向誰開？難就陸雲業，多慚許武才。皇都寧不美，捨去竟何哉？萬族求饒益，吾謀頗用疏。民生各心性，天道有孤虛。得作堪加飯，無錢且買魚。逐貧思作賦，才薄欲何如？

浩浩翻江海，爭奔且未闌。古來名利客，誰不到長安。獨立看參昴，橫天如此寒。肯能尋冷淡，夜夜照簾端。

爆竹家家沸，兒時此味長。追歡斟綠蟬，隨例祀黃羊。明旦鑿龍集，中天日月光。八年吟舊句，回首但蒼茫。

卷二

感春六首

奉君以象白猩脣之異味，青琴碧玉之妖姬。子復漠然不我與，我今寸意當訴誰？散髮狂歌非關醉，枯株兀坐未是癡。手撮黃塵障河決，自有幻想非人知。城南海棠已爛放，牡丹如霧行離披。如此青春忍不賞，直待白髮寧可追！

今我不歡子不悅，攜手天街踏明月。西南白氣十丈長，銳頭突尾射天狼。東方狗國亦已靖，復道羣鼠舞伊涼。徵兵七千赴羌隴，威棱肅厲不可當。國家聲靈薄萬里，豈有大輅阻孱螳？立收烏合成齎粉，早晚紅旗報未央。嗚呼天意正如此，小儒不用禱災祥。

男兒讀書良不惡，乃用文章自束縛。何吳朱邵不知羞，排日肝腎困鎚鑿。河西別駕酸到骨，昨者立談三距躍。老湯語言更支離，萬兀千搖仍述作。丈夫求志動渭莘，蟲魚篆刻安足塵。賈馬杜韓無一用，豈況吾輩輕薄人？

明珠二百斛，江湖三十年。徧求名劍終不得，耳聞目見皆鈍鉛。聞道海外雙龍劍，神光夜夜燭九天。沴氣妖星不敢躡，橫斬蛟

鱷血流川。天子寶之無倫比，列置深殿閭風前。千金萬金買玉匣，火齊木難嵌中邊。元臣故老重文學，吐棄劍術如腥膻。如今君王亦薄恩，缺折委棄當何言？

蕩蕩青天不可上，天門雙螭勢吞象。豺狼虎豹守九關，厲齒磨牙誰敢仰。羣鳥啞啞叫紫宸，惜哉翅短難長往。一朝孤鳳鳴雲中，震斷九州無凡響。丹心爛漫開瑤池，碧血淋漓染仙仗。要令惡鳥變吾聲，坐看哀鴻同長養。上有日月照精誠，旁有鬼神瞰高朗。太華山頂一虬松，萬齡千代無人蹤。夜半霹靂從天下，巨木飛送清渭東。橫臥江干徑十里，盤坳上有層雲封。長安梓人駭一見，天子正造咸陽宮。大斧長繩立挽致，來牛去馬填坑缺。虹梁百圍飾玉帶，蟠柱萬石撚金鐘。莫言儒生終齷齪，萬一雉卵變蛟龍！

元戎

大旆元戎喜起歌，舊時鼎鼐藉調和。豐貂長組朝金闕，駟馬珂弓照塞河。黃閣居然元老在，蒼生竟奈此人何？誰憐寂寞揚雄宅，獨抱繁憂臥薜蘿。

溫甫讀書城南，寄示二首

十年長隱南山霧，今日始爲出岫雲。事業真如移馬磨，羽毛何得避雞羣？求球采玉從吾好，秋菊春蘭各自芬。嗟我蹉跎無一用，塵埃車馬日紛紛。

嶽麓東環湘水迴，長沙風物信佳哉。妙高峯上攜誰步？愛晚亭邊醉幾回？夏后功名餘片石，漢王鐘鼓撥寒灰。知君此日沈吟

地是我當年眺覽來。

早發沔縣遇雨

此身病起百無憂，敢爲艱難一怨尤。曉霧忽飛千嶂雨，西風已作十分秋。近知地利真堪恃，早信人謀不自由。暗日定軍山下過，蒼天一望故悠悠。

初入四川境喜晴

萬里關山睡夢中，今朝始洗眼矇矓。雲頭齊擁劍門上，峯勢欲隨江水東。楚客初來詢物俗，蜀人從古足英雄。臥龍躍馬今安在，極目天邊意未窮。

爲何大令題明趙忠毅公鐵如意

君不見，天啓初載國步頻，逼迫英彥如束薪。龍章鳳姿膏斧殲，狐鳴梟噪騰要津。大璫滔天不足道，羣小羅拜馬頭塵。執笏無因殛元惡，請劍未許梟佞臣。觥觥趙公天所鑒，年年鐵影隨身。世事萬端不稱意，惟有此鐵還可人。督將袖椎擊逆豎，休教鑄錯汚君親。星光曖曖趨朝夜，霜氣稜稜拜疏晨。一回摩挲一灑淚，寸心如石腸如輪。高皇有靈尙來鑒，小臣此志何由伸。一朝荷戈西出塞，辜負白鐵悔因循。茄花枯盡委鬼滅，可憐明社亦荆榛。二百年來餘此物，萬劫不散唯精神。世人蠢蠢寶珠土，如君乃獲希世珍。老鐵耐寒終得主，豈有正氣長鬱湮。請君雪夜倚闌看，金精上燭撼星辰。

贈李生

岷山萬仞雪，太古人迹稀。中有竊窺谷，綠蕙芳以菲。幽芬亦已鬱，賞識方庶幾。澗邊棘荆滿，山上春草肥。託根亮同地，豈辨誰是非。地亦不能易，香亦不能飛。忽逢荷樵子，采擷盈裳衣。臨風再三嗅，俯仰情依依。由來有臭味，不必崇知希。

桂湖五首

新都桂湖，明楊升庵修撰故宅也。使旋過此，縣令張君宜亭招飲湖上，爲賦此詩。

遂別華陽，歸程始此。豁然名境訪，來及夕陽斜。翠竹偃寒蜨，丹楓噪暮鴉。詞人云異代，臨水一咨嗟。

短城三面繞，淺水半篙寒。鳥過穿殘日，魚行起寸瀾。秋來樓閣靜，幽處地天寬。平昔江湖性，真思老釣竿。

十里荷花海，我來吁已遲。小橋通野港，壞艇臥西陂。曲岸能藏鷺，盤渦尙戲龜。傾城遊女盛，好是采蓮時。

矮桂枝鉤袖，叢蘂葉打頭。隄行皆仄徑，路斷得高樓。欄檻干迴錦，玻璃五色秋。落霞沈水底，綵散不能收。

頗憶家山好，去鄉茲六年。此間行樂地，小有洞庭天。點綴須人力，招尋信妙緣。使君殊不俗，把酒意茫然。

梓潼道中有懷馮樹堂陳岱雲

複幃七疊相約束，清流九曲與周遭。日高旌旆鳥蛇亂，秋老爪牙鷹隼豪。北望幽燕天漠漠，東歸歲月水滔滔。江山如此知交隔，獨對菱花數二毛。

早發武連驛憶弟

朝朝整駕趁星光，細想吾生有底忙？疲馬可憐孤月照，晨雞一破萬山蒼。日歸曰歸歲云暮，有弟有弟天一方。大壑高崖風力勁，何當吹我送君旁！

入陝西境六絕句

西風已謝朔風適，客子勞勞且未休。行過嘉陵三百里，飛崖絕壁又秦州。

破曉七盤山上望，回看蜀國萬峯環。英雄割據終何有，陵谷滄桑事等閒！

亂山合處響沈沈，古洞千年海樣深。獨臥簾輿初夢覺，時間腳底老龍吟。

忽憶老筠吾匹儔，汨羅江上苦吟秋。未成嘉會方王貢，便恐才名駕應劉。

江流日夜走荆襄，隴蜀由來四戰場。故壘無人談往事，空山有客弔斜陽。

七二寒谿沒肝深，谿邊茅屋隔楓林。歸人正怯征衣薄，又聽山城響暮砧。

西征一首，呈李石樞前輩

我昨賦西征，燭燭實朱夏。烈日焚八荒，息影無寸暇。羸體甘所侵，炎威肯少借。一病罹百艱，煩煎竟日夜。夙昔傷勁弓，聞弦神已怕。豈志事呻吟，魯儀任嘲罵。瘡痍難指名，熱寒互嬾謝。粒食經

旬辭，況能問燔炙？帶月方首塗，參橫未云罷。顛簸筭輿中，磋磨破腰胯。奴子蒼黃詢，庸醫再三詔。猛然肆造攻，云當一戰霸。惡秀雖已鋤，良苗亦失稼。隔旦嗜其疲，無復平生咤。皮骸面有窪，耳聾氣愈下。慘澹過潼關，沈昏渡清灞。赫赫李中丞，觥觥范韓亞。老熊臥三邊，犬羊敢狙詐。聞我至驪山，材官百里迓。秋雨長安邸，征鞍庶一卸。旅魂頗飄搖，公來百慰藉。遣僕炊香粳，呼僮伺館舍。徵醫未辭頻，饋物不論價。古誼暖於春，美言甘於蔗。我魂稍稍旋，望蜀仍命駕。裹藥充篋筐，買餚養嬰姪。漸覺身能輕，如馬脫韁韉。吾固慶生存，衆難亦嗟訝。燕譽多親知，艱難少姻婭。永媿夫子賢，高情壓嵩華。賤子不足矜，西人實沾化。

留侯廟

小智徇聲榮，達人志江海。咄咄張子房，身名大自在。信美齊與梁，幾人飽載醢。留已茲嚴疆，亮無懷璧罪。國仇亦已償，不退當何待？鬱鬱紫柏山，英風渺千載。遺蹤今則無，仙者豈予紿？竭來瞻廟庭，萬山雪嵒嵒。赤日巖中生，照耀金銀彩。亦欲從之遊，惜哉吾嬾怠。

柴關嶺雪

我行度柴關，山光驚我馬。密雪方未闌，飛花浩如瀉。萬嶺堆水銀，乾坤一大冶。走獸交橫奔，凍禽竄荒野。揮手舞巖巔，吾生此瀟灑。忽憶少年時，牽狗從獵者。射虎層冰中，窮迫絕壁下。幾歲馳虛名，業多用逾寡。久逸筋力頹，回頭淚盈把。

廢邱關。

項王西入關，叱咤何雄哉！鼻息撼山岳，號令如轟雷。分茅割大地，駕馭英雄才。六王既立後，三將還西來。降臣剖符竹，洪度方洞開。廢邱亦善地，百里關蒿萊。桓桓章將軍，乞乞獵虎材。奸豎主帷幄，大將終疑猜。望夷不足惜，此類良可哀。行人一長歎，萬壑悲風迴。

三十三生日，三首：

三十餘齡似轉車，吾生泛泛信天涯。白雲望遠千山隔，黃葉催人兩鬢華。去日行藏同踏雪，迂儒事業類團沙。名山壇席都無分，欲傍青門學種瓜。

六載承明鑒祕書，河東一賦又吹嘘。多慙養職無遺事，實藉文言有慶餘。白璧出山終就琢，黃金擲谷總成虛。何時卻返初衣好，歸釣蒸谿縮項魚。

苦飢風塵未息機，將船已絡紫金機。詩禪入悟無三昧，世路回頭有百非。翁子少年原落拓，承宮家世本清微。故山鷗鳥吾盟在，曾記江邊各忍饑。

讀李義山詩集：

渺綿山壁雲，奧緩生光瑩。太息清翁去，無人會此情！

國士橋。

亂鴉呼噪若爲情，疲馬逡巡尚欲驚。遭遇一生容可再，艱難萬死竟無成。至今平楚風猶勁，終古寒流意未平。他日王孫知己

感，可憐鐘室淚縱橫！

至日二首：

久行忘節序，夙莫但奔忙。茲旦卽長至，我征仍未央。寒雲低樹白，邊日際山黃。時親南來雁，飄零不作行。海市三年舶，河源八月槎。水衡勞碩畫，漆室足咨嗟。天步方長健，民饑亦有涯。燔柴崇大禮，靈祝正來除。

俗雲同年喪妻，爲此詩警之。

陳君喪厥妃，善憂世無有情。至生幻機，有夢造王母。紫毀何言言？衆星挂戶，隔穆滿翔其旁。方朔戲其後，陳某囁齒臣味死訴左右。彼有何德功，鵲鸛到白首。此獨何罪辜，生世不少久。剗肉補其天，於德未爲醜。食貧八九年，辛勤足梁筍。何孽之難追，斬刈如惡莠。王母返袂泣，倉皇頗怵怵。方朔踉蹌出，曰余不執咎。衆生自生滅，非神有官守。高秋金氣肅，萬葉同衰朽。朔落非獨殤，夕脫非獨壽。皇天了不知，無人司薄厚。不見狼嘯女，蓬頭雙足垢。一生不洗面，媚夫稱佳偶。亦有綠林豪，掠人如雞狗。堂前妖姬舞，堂下鬼妾走。彼雖得偕老，於君意可否？此雖中道捐，名聲極萬口。令妻果然，令何必在貽考？惡妻不可言，牀第森械扭。陳君翻然覺，再拜謝善誘。歡喜不復愁，逢人但索酒。

喜筠仙至，卽題其詩集後：

昌黎聖者但不作，嗚呼吾意久寥廓！郭生近出還峻嶒，腸胃森然起邱壑。古來文士非羸羸，各有雄心戰憤索。自尋世界鍼孔

中，別開九州造城郭。衰叔背向安可論？[？]兒沿聲膽已薄。丈夫舉步驤兩龍，豈有趑趄躡人腳？我方償路瘡不前，君能踐之道斯託。憶君別我東南行，挽袖牽裙事如昨。五年奔走存骨皮，龜坼硯田了無穫。時時音問相照臨，語言雖甘意緒惡。豈知今日還相逢，席地帷天共一酌。紛紛蠻觸爭土疆，誰能買閒事笑謔？解顏一觀豈尋常？百歲忽如掃秋籜。衆木有枝草有心，殊性異涂那可度？昨夕之炭今晨冰，轉煥回寒在叢霍。弓影構似公成眞，箭鋒失機書相邊。葛亮書說雖貴和，屈原平生莫量鑿。趨同造獨良難兼，攘詢納尤詎非樂。方今帝舜明四聰，朱虎夷夔并高爵。大鐘上鼓相和鳴，文字秋霜起康鐫。號呼朋侶趨上流，聊可示強孰云弱？嗟余瞽者迷嶽塵，不殖十年得母落。欲張漢幟標新軍，要盟不從誰肯諾？獨者無倚同者羞，心之簸搖欲何著？智小謀大姬所懲，偏有狂夫百不忤。移山愚叟無日休，填海冤禽有時涸。屠龍大噉願已虛，哆口如箕且一嚼。老筠老筠子視余，謬志誕言豈堪樂？閉門引發號五噫，欲與秋蟲鬪方略。宇宙空曠時日寬，安用出膏自燔灼？忽憶元和奇崛翁，會合聯吟兩鳴鶴。雲龍相逐終不能，海南江東各飄泊。彼之賢俊尚如斯，我今瞽頑當何若？與君辦醉千億場，誰道人閒有紕錯？

雨：

稍稍車塵墮，安閒一閉門。高歌亦未輟，驟雨方此喧。宿霧依城靜，低雲入樹昏。空庭澗盛水，容易卽江邨。

寄弟：

昔我初去家，諸弟各弱小。阿季髡兩髦，觀人眸子瞭。後園偷棗栗，揉升極木杪。叔也從之求，揖我謂我嬌。分甘一不均，戰爭在毫秒。余時輕別離，昂頭信一掉。老弟況童騃，樂多憂愁少。瞥然成六秋，光陰如過鳥。世味一飽嘗，甘心厭茶蓼。夢裏還鄉國，溝涂苦了了。朝企恆抵昏，夕思或達曉。君詩忽見慰，迴此肝腸繞。生世非一塗，處身貴深窈。衆萬奔恬愉，聖賢類悄悄。二陸盛揆張，鶴唳悲江表。夷齊爭三光，豈不在餓殍？我今寄好語，君聽其勿藐。一願先知命，再願耐辦標。

哭少時同學某：

少日低飛各羽翰，幾年茵溷不同看。竟緣無食填溝壑，終古銜羞在肺肝。蟻戰莫償三北恥，鸞僂更吐一絲難。寡妻弱子知何倚，雪虐風饑可耐寒！

送吳英樾之官浙江，兼簡魏黃生大令，三首：

一第尋常事，服官方獨難。書生良短淺，世態自波瀾。被褐欲誰語？濫竿仍未安。無言堪汝贈，祇是耐加餐。

大邑匪輕寄，新民會可蘇。養魚防攪水，牧馬合求蜀。兵甲連滄海，瘡痍正道塗。樂郊枯旱久，遲子一霑濡。

魏子好心事，相從興頗除。與君聯肺腑，棄我各天涯。煙雨黔山道，風濤海國樑。東南彌萬里，吟望一長嗟。

六月二十八日大雨，馮君樹堂，周君荇農，郭君筠仙，方

以試事困於場屋，念此殆非所堪，詩以調之。

黑雲壓城真欲摧，銀河倒瀉天如催。我集倉皇變澤國，嗟爾三子嘻可咍！孔鸞欲爭雁鵝食，貧饑豈得逃天災？矮檐卑危小於盤，秦曲裁足容顛顛。上雨旁風忽衝突，螻蟻有戶安能坏？脫履漂流不可屑，筆牀茶臼何有哉？馮君枯坐但閉目，急溜洒而不會開。周侯仰天得書本，倚牆絕叫添噴嚏。郭生耐寒苦索句，飢腸內轉鳴春雷。卻笑羣兒薄心膽，瑟縮嗽啞良足哀。丈夫守身要倔強，雖有艱阨無愁猜。我今高臥舒兩膝，深檐大棟何恢恢！白日軒聲答雷雨，殘滴初歇清哈回。甘眠美食豈非慶，又聞逸樂生禍胎。數君健強齒尚未正，可磨練筋與腕。明朝日晴各轉鬬，老罷戰罷還歸來。爲君廣枯輓脚酒，泥污不洗且銜杯。

荇農既和余詩，而三子者皆見錄於有司，乃復次韻。

王師四出枯朽摧，築城如鐵黃土篴。公然一戰收全勝，笑言啞啞何歡哈！文章有時奏奇績，不信五鬼能作災。諸君運命頗磨蝕，可憐顛顛愁眉顛。年年力戰略城邑，不分上國十一坏。卻顧羣公無寸效，封侯起第何難哉？李廣旗亭遭醜罵，衛青幕府排雲開。今朝背城偶自奮，一呼振臂何轟懸？皇天亦助昆陽捷，亂飛屋瓦奔雲雷。稍雪平生三北恥，一洗往日千悲哀。但令蠶食得小補，休睨雞肋生疑猜。神龍卷舒在勺水，綽綽進退真宏恢。誼士飲河但解渴，食泉未到車先回。要將廉退式鄉國，坐看合浦還珠胎。菟裘他年儻可老，林壑休息舒脾胸。不然崇階借尺木，崢嶸富貴還鼎

來。升沈變遷不可必，今日一樂聊千杯！

送妹夫王五歸五首

飄然棄我卽山林，野服黃冠抵萬金。滾滾污塵得少辟，茫茫歧路一長吟。梁鴻旅食妻孥共，蘇季貧歸憂患深。東去大江蘆荻老，皇天颯颯正秋霖。

荆楚梗桀夾道栽，於人無忤世無猜。豈知斤斧聯翩至？復道牛羊爛漫來。金碧軀桀依日月，崢嶸大棟逼風雷。回頭卻羨曲轅櫟，歲歲偷閒作栗材。

高崦山下草芊芊，去國蹉跎今六年。邨老半閒悲薤露，人間容易卽桑田。炎雲涼雨有翻覆，舞榭歌臺況變遷。莫訝榮枯無定態，君今猶守舊青氈。

有齊季女吾弟行，操曰君家老孟光。曾是弋鳬相勞饗，猶聞雛鳳已軒昂。秦嘉上計心情薄，王霸躬耕身世忘。織屨辟纈終古事，牛衣歲月卽羲皇。

老弟三年困省門，寒山無律可回溫。由來命分政須爾，久信文章不足尊。南雁乖違少書信，西風牢落對乾坤。因君傳語吾予季，失馬亡羊莫更論。

送鄧伯昭兼簡家伯醇秀才三首

萬里西風道艱哉，信爾行力耕無半穰。寒日耐孤征，身世嗟杭葦。文章一覆杯，平生餘意氣，未惜爲君傾。君家老癡叔，海內久詞宗。歲晚餐幽菊，空山倚冷筇。我方

速謗，茲味亦非濃。他日龐公榻，來尋物外蹤。

吾宗良大雅，老矣尚巖阿。六載長乖隔，百年能幾何？高明遭鬼侮，圭璧受沙磨。動忍由來事，無爲棄斧柯。

莫過竹如：

維摩元未病，子祀空復疑。薄暮還相訪，經旬繫我思。深談四壁靜，交道一燈知。天畢看西下，來歸亦未遲。

題明陳忠愍公雪堂硯爲唐觀察樹義作：

人間尤物天所隘，豪奪巧生倫災怪。尙書老硯差復尤，流落君家足一快。區區石耳烏足珍，重談勝朝可深咍。金陵已破汀州摧，桂林羈王甚矣德。書生褊褊陳老謀，欲傾南溟洗兩戒。西走臨賀東珠江，剗身莫醫六州瘵。已聞餘燼飄煙埃，復道妻孥餒柶械。丈夫肯斷心不懣，賤妾癡兒況足芥。袁宏狹巷猶磨槽，張巡孤城已粉壞。可憐此硯隨忠魂，未了多生文字債。文約已斃皮尙存，笑倩後人爲爬疥。不須更道夢中緣，已覺英靈接營款。阿翁作吏今龔黃，惜哉老嵇亦翻鑪。君今撫硯勘檀書，世守橫龜安敢懈？惠然何日持示余，我見石兄或三拜。

謝九弟四首：

違離予季今三載，辛苦學詩絕可憐。王祭辭家遭多患，陸雲入洛正華年。輪轅塵裏鬢毛改，鼙鼓聲中筋骨堅。門內生涯何足道，要須管膽報青天。

漢家八葉耀威弧，冬幹春膠造作殊。豈謂戈鋌照京口，翻然

玉帛答倭奴。故山豈識風塵事？舊德惟傳嫁娶圖。長是太平依日月，杖藜零涕說康衢。

杜韓不作蘇黃逝，今我說詩將附誰？手似五丁開石壁，心如六合一游絲。神斤事業無凡賞，春草池塘有夢思。何日聯牀對燈火，爲君爛醉舞僊僊。

辰君平正午，君奇，屈指老沉真白眉。入世巾袍各飭體，閉門諧謔卽支離。中年例有妻孥役，識字由來教養衰。家食等閒不經意，如今飄泊在天涯。

乙巳春闈，謝戴醇士前輩畫竹：

余少淪賤，貧學書等畫塢。中歲偷太倉，誤爲金紫紳。文字雖所攻，淺嘗不能半。邇來又十年，拋棄如土炭。豈謂選佛場，謬來事襄贊？列仙盛瀛州，腰魚何璀璨？禁院扁重棖，沈沈寶桂觀。鍵戶無一營，馳箋鬪豪翰。藍藍掃秋葉，斯須復堆案。衆難亦好事，奔命極雨汗。戴嵩聖雲孫，三絕天所歎。干謁填其廡，鐵門說三換。竭來困棘闥，逢人句脫腕。爲余寫新竹，風筠兀繚亂。呵壁呼老可，簽案何足算？我雖不解畫，者古頗知岸。似得琴中趣，何必工抑按？爲報青琅玕，微詩庶一粲。

題畫竹次醇士前輩韻二首：

森森鳳尾一時抽，滿地孫枝翠篠稠。老幹已淩霄漢上，曲江猶白憶遨頭。

列仙不比山澤臞，碧椀瓊漿事有無？更向禪宗參玉版，花豬

竹鷗肯分吾。

題醇士前輩爲滇生師畫竹，疊前韻：

鎖院重深春爛漫，聖壁潭潭古所埒。盡收羣彥歸樊籠，有似神馳遭繫絆。戴侯健者胸宇宏，足亦略經九州半。苦著書畫拚金錢，頗脫蟬貂等塗炭。錢唐夫子今儒宗，藻火虎蜺賴翊贊。兩賢分吸西湖光，東壁交輝北斗燦。迹有繪事追宣和，豈徒宏文敵貞觀。頃來巨卷寫風篁，欲學湖州贈內翰。斷枝零葉不整齊，但覺清風拂書案。試院經今五百年，文字何止千牛汗。前水後水俱東之，萬事悠悠良可歎。獨有名墨長流傳，壽世不隨星霜換。故知雨露濡李桃，不如風雲生肘腕。我今老硯久荒蕪，圖史拋如秋簿亂。外文內節兩無稱，蠹齏班行誰比算。誓將歸牧竹石間，不管世途有陵岸。戴侯畫牛有家法，何不誤筆試一按。尙書早兆調羹幾，我亦願歌南山粲。

請醇士前輩畫竹，歸貼樹堂，題詩一首：

孔翠閑雕籠，失羣忤本性。懷我如玉人，三句闕賓敬。老醇今鄭虔，支離頗自聖。余爲揚其波，畫詩極輝映。寫此貼君子，持將作寶鏡。筠以喻其文，幹方晚節勁。桃李漫紛紛，語君勿與競。物外求交知，塵中關幽篴。

又贈筠仙一幅：

人生有乖隔，咫尺成關山。我心日百轉，從來輸石頑。日吾語戴侯，君在張李間。爲君畫新竹，幽澹不容樊。我家雙谿上，萬竹圍

沙灣。涼夜幽篴裏，月冷東潺湲。行攜子偕隱，鹿豕相往還。詩名滿天地，蹤迹混榛菅。

酬峴樵。

市廛交態角一闕，朝爲沸湯莫冰凍。江侯爾豈今世人，要須羊左與伯仲。漢上鄒生獵者徒，臥病長安極屢空。導養難絕三彭仇，惡讒欲尋二豎夢。君獨仁之相掖攜，心獻厥誠匪貌真。執役能令賤者羞，感物頗爲時人誦。丈夫智勇彌九州，守愚常抱漢陰甕。不學世上輕薄兒，巧笑人前事機弄。昔我持此語馮生，沈飲深觥豈辭痛。郭生酒後猶激昂，往往新篇發嘲諷。君今勁節盤高秋，況有詩句驚萬衆。喜爾一章已恢奇，猶嫌伏轡受羈鞅。頃來祝我珍瓊瑤，韜以錦囊無殺綫。我今塵海久淪胥，方寸迷濛足霧霧。乃知貧賤真可歡，富貴縻身百無用。因君寄語談天客，狂夫小言或微中。但教毛羽垂九天，未要好風遽吹送。

鄒興愚，字柳谿，新化人，客居陝西興安。道光庚子，舉陝西鄉試。家酷貧而自守嚴，不苟取。今年大病，京師不得與禮部試。醫藥雜役，皆傭樵躬之。急難之誼，吾見亦罕。予旣爲此詩後十日而興愚死，予與峴樵及興愚之族兄子律三人者，爲經紀其後事。秩然可以無悔。將以七月歸其喪，興安峴樵蓋有終始者。子律字春生，亦篤士。——六月十二日附記。

送王子壽歸荊州五首，以「高步追許由」爲韻：

冠組墮塵海，與世日滔滔。豈知魯連子，脫身美遯逃？十輩蜩與鷲，跳踉不能高。黃鵠冥一舉，大地如秋毫。

揮鞭拾科名，咄嗟踏天路。四十非不彊，萬卷非無具。尋直如可期，須臾得少駐。側聞馮濟郎，龐眉守故步。

盛年窟關輔，結客頗支離。負米半天下，有婦愁朝炊。詩名滿湖海，持是欲安之？菰中一漁笠，懷哉不可追。

天人互轉旋，時勢有虎鼠。結交貴結心，寧富變寒暑！可憐拙匠斤，謬被鑿人許。一杯君強酬，無人解觴汝。

皇明燭八極，小范臥西州。嗟君老從事，招招豈無舟？廢興難可道，時來不自由。投竿要強起，何代無馬周。

移居偶成

前人栽藤後人看，我年於藤未及半。前人種竹青成林，舞影牕月清我心。況有丁香海棠樹，堆砌牡丹亂無數。霜風但遣枯枝立，春光猶遲隔年度。獨立何必念芳菲，正肅氣與天地遇。此身今古如脫屣，人得入弓等閒耳。冰霜百物半摧藏，掃除一室吾安事。轉眼花開春事新，四座唯延濟蕩人。讀書養性聊爲樂，日可招要梅子真。

贈梅伯言二首

隘巷蕭蕭黃劣過車，蓬門寂寂似逃虛。爲杓不願庾亮楚，爭席誰名陽子居。喜潑綠成新引竹，仍磨丹覆舊蠹書。長安挂眼無冠蓋，獨有文章未肯疏。

單緒真傳自皖桐，不孤當代一文雄。讀書養性原家教，績學參微況祖風。衆妙觀如蜂序蜜，獨高格似鶴齋空。上池我亦源頭識，可奈頻過風日中。

送陳岱雲出守吉安

驪鉤且莫噴，我歌始一放。憶昔初逢君，漢濱俯高浪。同拾春官第，天門踰閭闕。射策干羲軒，挾神一何王？君唱我斯予，躡履星辰上。雙鳥不分飛，短翎實所傍。借居兩頭居，嬉遊不可狀。六月寒瓜肥，嚼冰滌府癢。劈半持作冠，狂呼極跌宕。秋雨催歸人，膏車各南向。長沙揖君廬，入門刪三讓。拜母勿後堂，排筵倒家釀。明歲同還朝，百扶接居巷。嘲餐或來過，夕渴還相訪。問學商米鹽，經綸說魚醬。驅鱸駕雞棲，似狗頗茁壯。有飯例宜塵，無衣安用桁？我道夫子賢，世人或嘲謗。世人病我頑，夫子憐其誑。袍笏雖支離，貌卑心則亢。平生企高遐，力微不自量。樹德追孔周，拯時儼葛亮。又兼韓歐技，大言足妖妄。夫子不予譏，和高越初唱。洽比三四年，爲懽亦云暢。卯歲夏之中，九門盛炎瘴。君實罹其災，一病月三望。毒熱轟外疆，客瘞兀中脹。有婦賢且勤，繼天事供養。背分荷，令涼簍進羹。缺餽剋肉補，其天有神實克相。鑒我相扶持，計窮屢快怏。國工吳與鄭，調齊妙心匠。鬼錄不見收，人謀信可仗。由來福與禍，茫茫自天貺。時月無幾何，中饋遭死喪。我時葡萄救，倉皇事摒擋。黃口抱呱呱，稽首別繚帳。移巢翼其兒，室毀子無恙。良人匪頑石，焉能缺倭僂。傾家營奠齋，淚河送反葬。我謂君已愚，稽經懼失當。君謂情

自轉，誰超六塵障？展轉彌再期，病貧互摩盪。南望問尸饔，儲糧不盈盎。摧腸與蹙眉，萬端欲誰諒？一朝被殊恩，千憂始滌蕩。士窮守艱危，時來類放曠。爲君述前塵，在莒慎無忘。報恩不在他，立德乃可尙。丈夫要努力，無爲苦惆悵！

夜直苦寒

白虎西流朱鳥高，五更風利鷺鷥刀。勁寒戰栗通心曲，轆氣冰霜上口毛。曠蕩青天如可對，折旋丹地敢辭勞。頻聞交戰呵金馬，驚入鎗廂炙凍毫。

吳宮黃病中屬市鹿尾

越舫迎來手指千，屋多不畏貯風偏。華燈鄉話初長夜，藥碗吟愁雪天陽。氣眉閒回病客，元精至後固崖仙。內廚斫取殷紅色，判費西清月放錢。

臘八日夜直

翻從官宿得閒時，仙掖深深晝掩帷。靜向古人書易入，寒偏今日酒堪持。濃醴說獻宮中佛，晴雪看分禁裏墀。日暮武英門外望，井闌冰合柳枯垂。

卷二

丙午正月二日作

蹉跎三十五，聞道其既晚。去日良已富，來程亮復遠。自從伊闕亡，大道閉元棧。有誓不識珠，寶珠事驕蹇。微數陳豆籩，小和辨

蛭蟻。迂腐譏淵齋，空疏誦商僊。前者激波瀾，後者恣鬪很。大江日滔滔，衆人死婉婉。誰能抱孤芳，寂寥守舊晚。通經不達時，失身下豬圈。嗟予局段間，亦不工啗噉。非仁不敢祖，非義豈嘗本？所學誠流俗，鑿鑽但分別。不挂高明眼，譏評肯少損。民各有依倚，吾寧變愚惛。文字扁緘滕，經綸在房櫺。浩蕩冠蓋場，一心自嘉遜。聊用陳區區，夢魂庶諳穩。

題箕谷圖

大雅卽高詠，耽隱青山岑。手折箕筥枝，鏗爲琅玕音。松風石壁高，箐霧林霏深。幽幽人不知，獨鶴明孤心。

陳慶覃詩鈔題辭三首

魏王大瓠號豐碩，酌水盛漿百不適。丈夫身手豈不良？沈沒詩篇真惜可。嗚嚶道古無一符，畫脂工夫竟何益？我昔鏤肝好苦言，今來百憂頗冰釋。誓將輟軫收哀彈，不唱君家行路難。

近聞西蜀甚陸梁，驅人大邑如驅羊。羣揭羊旌過都市，廣開林藪收咩亡。新市下江頗竊發，左谿橫水還披猖。州家上名使家縱，昔我經過心繁傷。太平風塵亦如此，胡不上書達天子？

虞舜藏弓蒼梧野，我家正度南嶽下。眼看鄉井多譽髦，後周郭李皆健者。何郎蒼老孫郎少，君合衆銅付一冶。楚人自古工語言，湘流到今悼屈賈。編夫例縛文字禪，劍頭一吷真粲然。

憩紅詩課戲題一詩於後

鉛山不作桐城逝，海內騷壇委寒灰。龍盤虎潛斷吟嘯，坐令

蚯蚓鳴驚雷。憩紅先生頗好事，欲拓詩國疆土恢。號召英豪執牛耳，大蒐燕冀選龍媒。走章馳檄遍都市，紛紛吟札如雲來。較量錙銖判殿最，豈有魚目還珠胎。傾身愛才劇如命，酬字金帛布成堆。達官貴人不好士，先生此舉真豪哉。嗟余楚狂百無用，長安十載餐黃埃。作碑無錢枉自苦，乞米有帖長空回。臣朔飢死侏儒飽，古來顛倒何足哀。偶然塗抹爲新句，書眉深淺乖時裁。鬢鬢零有誰惜，錐刀角逐吁可咍。豚鬪果遂籌車祝，一笑取醉三百杯。

送王孝鳳之雲南，卽題其尊人松菊圖

累世無咎繇，冤民塞九縣。數言危衆魚，吞舟不加譴。王叟邦之良，溫恭少側弁。獄吏一牽連，秋毫忤雷電。田甲時見陵，馬遷莫相援。盆底無吳天，荷戈出摩甸。萬里蒲蠻道，征人淚如霰。廿載餐氈糜，衣無故時線。回首望家山，柴榮信所戀。老松儻無恙，義菊向誰綰。有子鏗華鐘，蜚聲震金殿。武庫羅其胸，干將思一刺。蓄上緹縈書，不乘長卿傳。一麾首滇南，征心已如箭。預想王坦之，初覲懷祖面。抱持至膝上，悲喜集一見。萬事如浮雲，滄海日千變。獨有骨肉離，重逢真可羨。明歲唱刀環，懽聲若雷沓。歸食武昌魚，比鄰張高宴。鳳詔噴里閭，純孝迴天眷。不學朱壽武，徒登獨行傳。

題錢崙仙懸燭修書圖

腐叟音塵溼，千載無完史。斷代自班生，鉅規破大體。茂先賞三志，編摩或索米。舊書留雙瑕，但爲吳生詆。數賢不足珍，除外況靡靡。聖代盛文章，羣英隨前軌。殷鑒成編，唐經今繼美。磊磊南

董倫，影鑿足幡籬。錢子邦之良，弱冠掄金紫。涇渭原胸中，銑鉄極筆底。朝踏東華路，柴車等敗屣。夜歸南牕下，檠燭照大几。一字褒幽潛，片言殫姦宄。曲直在豪端，誰能矜爪髻。我亦載筆臣，大弔久復弛。三載糜官錢，飮塵亦莫洗。披圖聊粲然，作詩一洒恥。

題孫君采芝圖二首

衆羽工飛翬，先生獨摧挫。十載桃花源，寒氈屢告破。古木發深潭，從來拒俗利。采蕨晞殷頤，餐英補楚些。自損三秀芝，窮年振寒餓。豈謂人事乖，悠悠卽長臥。撥草求長生，無靈欲誰那。長是拜書圖，千秋聆咳唾。

少室五黨英，儲能實完好。韶齒殊不廉，閒倫仙人叢。航海探琪花，躡躡踏三島。根本良已深，衆芳信在抱。言采幽蘭歸，種作階前草。上有竹筴修，下有清風掃。竹節寒逾堅，貞心永難老。風暖扇餘馨，馨香滿穹昊。

書朱阜亭家傳後

韓公曾作董生行，坡老亦詠姚氏堂。末世文人苦孱陋，雖有行誼無由彰。徽州太守萬夫特，承明一出腰銀黃。政聲今鄰趙張右，名翰昔在崔蔡行。憶昨石渠同討論，稱引先德何琅琅。考亭絕學半庭訓，佩章奕葉仍作堂。孝經五齡誦在口，內則半編時相將。一朝老親蒙霧露，醫不能力巫難禳。妙年誠心破金石，午夜割臂和羹湯。探丸何曾讓者域，臥冰殆欲嚙王祥。誰言旻穹闕且遠，小叩大應如宮商。阿耶道躬既純固，阿兒行義宜褒揚。漢家本來重

孝友，薄俗尤應式。厖涼。豈謂虛舟藏大壑？空教幽獄埋寒銑。獨留孤兒好頭角，神駒墮地不可當。逸足騰踏遂島路，八載與我同趨踰。昨年一蹙出飲浦，南飢北渴永相望。白塔觚棱晨漠漠，黃山煙靄暮蒼蒼。懷人卻寄相思字，念祖仍徵述德章。前人艱危事栽種，後人但識嘉蔭長。卽今梅柳貢天府，莫忘老幹在冰霜。

酬陳慶覃侍御

赤水沈元珠，千年遲象罔。君子迴深春，翻然辱旌獎。馬走那解詩，鉤章事鹵莽。秋蟬挂高柳，風過自成響。豈意師曠聽，偏聽發謬賞。維君堅高壘，無人敢掉鞅。筆端一縷香，百靈通辟疊。方今隆棟寫伊巫，擁天仗。巢燧無闕遺，無處著崛強。以茲得雍容，閒吟寄慨慷。有書亦盈牀，有沽亦盈盎。六字自冥冥，湫塵莫予網。請君拈甕石，予亦擊甕壤。

送周文泉大令之官城武

周侯爲政知者鮮，地小袖長自不展。早歲讀書如老饒，堆案徧嘗盡百爾。詞源一瀉不得休，往往巉巖羅婉變。頻年大海泣遺珠，卅載湖南綰銅篆。本因名父求蕭威，始見分符來張緬。深藏干邪匿銛鉞，盡壞屏障通關鍵。閒官那暇自料理，時逢順風亦還轉。由來赤令須老成，早有仁聲先流行。東窮二酉緣硤崖，南入九嶷踏秋薜。馬援舊愁惡，文翁新化善。俗倍善，忍教蠻犵歎無襦。坐看獠獠來解辦，蘆笙銅鼓喧粵歌。苗婦焚香通綰繆，我亦自是湘中人。有賢不知嗟何淺，長安一見兩無猜。詎比尋常徒睇眄，大開

戶膈吐真氣，倒決江河放清辯。拘守咫聞苦自縛，我固偏酸君未免。方今要路爭騰馳，幾輩兼程獵華顯。高車大馬塵埃香，翠羽長纓腰腳軟。看君散綬猶網繒，長是敗茵策駑蹇。行囊腹有書滿箱，公廚會恐塵生甌。此去清風入灑曹，定知甘雨灑青旒。誰云廉吏不可爲，須信夷途百無舛。陽城豈畏書殿考，卓茂終當膺首選。邇聞海國還喧嘩，此邦幸未近兵燹。可憐疲民困科條，有如聚螳遭蹂躪。豈無積弊含瘡痍，聊欲爬梳愈疥癬。枯魚在轍誰能久，惡草當門要須翦。知君不薄劉蕡策，世俗但解筭蒲餞。明朝一別各東西，愁緒多於薳大蘭。

小池

屋後一枯池，夜雨生波瀾。勿言一勺水，會有蛟龍蟠。物理無定姿，須臾變衆寡。男兒未蓋棺，進取誰能料。

東鄰杜氏義塾

稍得豐埃隙，來茲一散襟。噴車闕四聽，時鳥送餘音。亦有遶韶嬾，誰能季主尋。邨童休問字，剖璞方自今。

茲晨

茲晨曷不樂？端念良自尤。自吾有爪豬，半隊匪躬謀。俯視見后十，仰視見光浮。關門赫婢僕，雄長如諸侯。專精事羹飯，餘政及乾餼。兵後物力絀，平生世齒稠。人人似我飽，實重黃屋憂。吾皇傷味爽，彼由爭前籌。聖者自危厲，愚者自優游。大哉六合內，人類難等儔。

失題：

西山一夜雨，秋氣入庭除。清晨展書坐，愴然樂有餘。天宇一何廓，蕩蕩真吾廬。煢煢夸毗子，守隘無曠居。衆鱗爭坳潦，驚鰭安得舒。豈知逃閒寂，放蕩得尾閭。吾樂正如此，君樂復何如？

題泛海圖：

昔我權瓜州，金焦望嵯峨。靈山咫尺間，不得窮巉巖。還家述遊蹤，高堂一笑莞。江湖險可吁，泛海況不難。撫摩慰驚魂，輒腳呼盤淺。由來慈母心，險夷最所揀。孝廉本儒衣，文章富編剗。胡爲涉遐思，浮海窮規轡。有母足慈悲，奉佛信瑟綢。共道洛伽巖，實惟仙藥產。神人渡迷津，福汝能箇箇。虔禱或有憑，孝思本無限。圖此塞寸誠，靈心聊結撰。何知妄與真，雲濤紛滿眼。

送凌十一歸長沙，五首：

昨日微雨送殘秋，落葉東西隨水流。世間萬事皆前定，行止遲速匪自由。謀道謀食兩無補，祇有足迹徧九州。一杯勸君且歡喜，丈夫由來輕萬里。

皇天陶鈞造萬器，叢盤餅疊巧安置。頗怪君材無不能，胸中多藏如列肆。刀光刺眼瞬不搖，小事疑駭大事智。吁嗟世事安可知，干將補履不如錐。

螺贏負青蟲，祝祝亦相似。眼見平地矗高臺，縮版登登無基址。王侯將相豈有種，時來不得商進止。君歸讀書更十年，看君白日上青天。

恨我不學山中人，少小從耕拾束薪。朝去暮還對妻子，殺雞爲黍會四鄰。世自癡聾百不識，笑置詩書如埃塵。君歸自有青塘山，築室種樹莫言艱。

如我自鏡猶可憎，非君誰復肯相偶？寂寞陋巷長叩門，三日一見開笑口。常時徒步噉塵土，偶然驅車馬如狗。君此歸去慰門閭，我今留滯當何如？

送謝果堂前輩歸江南。

我昔曾讀知恥集，恨不追逐參翔翺。當時小人竊國柄，狐鳴梟噪何貪饕。霍家奴子青油幟，夜半狹巷公嬉遨。一朝燒車震都市，驄馬御史真人豪。至今朝士誦遺直，言之凜凜寒生毛。先生早聞過庭訓，豈有勁幹能扛撓。廿年作吏領畿赤，王事何曾怨賢勞。爲憐疲民困蹂躪，親撫積瘵勤爬搔。豫州豐碑吾所見，德政猶傳萬口牢。復聞巴夔難結惡，十載送陸苦釋騶。先生手草諭檄，剖巢熏穴颺驍騎。殺賊自是書生事，成功屢蒙聖人褒。陳立餘威懾驍冉，文翁雅化蒸舉髦。方今時俗忌博塞，傲傲萬衆餽醪。卻笑先生拘古調，肯隨里耳同喧嘈。誰言夷途百無外，未免奇數時一遭。大江東下日滔滔，濁水沉珠不可撈。使君一去萬人哭，牽衣遮道何嗷嗷。蛾眉謠詠古所惜，坐使斧柯終倒操。竭來長安談舊事，磨礪圭角深自韜削。如太華立千仞，絕頂秋隼下平皋。始知老輩尙嫵節，堪哂薄俗徒塵囂。嗟余昏頑大無識，隨人俯仰如桔槔。頻蒙美言樂狂狷，須臾便達旨與膏。昨者告別驚何遽，歸心已似風

中旄。近將買山學耕釣，行且築室誅蓬蒿。世事擬變不復問，典衣取酒樂陶陶。天空地闊網羅少，黃鵠一舉何其高。紛紛燕雀非吾曹。

失題，四首：

抽得門身偏不如，高秋酒熟鞠黃初。便驅天驕識途馬，歸釣江鄉縮項魚。往日心情隨轂轉，今來身世似舟虛。不須更說知幾早，且喜塵緣盡剷除。

颯雨燈煙日，側身周望重。低徊海濱膏血深，無極帳下笙歌自莫哀。安得賈生時痛哭，可憐楊僕本庸才。投章欲問茫茫意，何處通天尚有臺？

金堤舊潰高家堰，復道今年盛昔年。自古瓊沙同浩劫，斯民塗炭豈前緣？沈江欲禱王尊璧，擊楫誰揮祖逖鞭。大廈正須梁棟柱，先生何事賦歸田？

兩度歸帆派上流，蕭蕭落木洞庭秋。送君此去風前酒，憶我當時月夜舟。宏景舊居句曲洞，杜陵新卜浣谿頭。好栽修竹一千畝，便抵人間萬戶侯。

秋懷詩五首：

木葉下如雨，西風吹我衣。天地氣一肅，回頭萬事非。虛舟無抵忤，恩怨召殺機。年年絆物累，俯仰鄰詬譏。終然學黃鵠，浩蕩滄溟飛。

蟋蟀吟西軒，商聲方茲始。小人快一鳴，得時亦如此。大澤藏

蟄龍，嚴冬臥不起。明歲澤九州，功成返湫底。吾道惡多言，喧囂空復爾。

吾愛邵夫子，古之三益者。鑿鑿攻我瑕，不隨世人啞。薄俗尊文章，吾亦事苟且。赫赫揚子雲，末途裂於瓦。再拜謝獯人，斤斧行可捨。

城頭昨宵月，今夕虧其圓。丈夫於小節，一缺誰復全？蝸廬抱奇景，高視羲皇前。蒼蠅斲尺璧，江漢難洗濁。馬融頌西第，今爲時所憐。

吾友劉孟容，道我兩好書。三年不報答，幽怨今何如？深山闕大寶，光氣塞州閭。樊英履壇席，名業箕斗虛。補天儻無術，不如且荷鋤。

謝薛曉嵐。

大谷閼幽蘭，由來習霜雪。摧挫彌歲年，歲蕤減昔悅。本性誠未移，芬芳詎可滅。時物一爲遭，適爲吳人擷。曾合亦有宜，廢興固難說。勞有荷樵子，殷勤事寒嶺。出山嗅懷袖，餘馨亦未輟。臭味良有然，非渠獨明哲。

風騷難可熄，推激惟建安。參軍信能事，聲裂才亦殫。寂寞杜陵老，苦爲憂患干。上承柔澹思，下啓碧海潮。茫茫望前哲，自立良獨難。君今抱古調，傾情爲我彈。虛名播九野，內美常不完。相期善令德，各護凌風翰。

題王少鶴製砧課讀圖：

破屋荒園陰雨候，桐樹清陰向人覆。鵲巢危巢鳥鋪殿，風牕瑟縮燈如豆。砧聲清切姊心悲，書聲函胡姊淚垂。天乎汝此不自力，豈惟乃姊摧肝臆？二親魂魄長鳴咽，躍馬天街得路回。龍鍾老疾姊顏開，一笑迎門雪雙涕。此日當時互悲喜，當時荒園姊攜弟。此日安釐弟迎姊，鳳詔輝輝賁下泉。柳江春色煥雲煙，長途珍重難爲別，願且無忘在當年。

送王少鶴

待爾雙雙至，春回又一年。閒尊皆舊友，發篋半新篇。荔子紅時雨；芭且綠外天。江都好風景，話向酒杯前。

丙午初冬寓居報國寺賦詩五首

閉門百慮盡憂煎，出門萬蔓相糾纏。苦被塵埃縛欲死，脫身來此親僧氈。老松大槐遮四徑，日月爲我生光妍。道人龍鍾五十七，黝深碧眼珍珠圓。烹茶煮餅時勤我，亦有山菓堆初筵。橐駝對座不相管，兩家各有無言禪。皋夔稷契非吾事，休因饑飽付皇天。去年肺熱苦吟呻，今年耳聾百不聞。吾生卅六未全老，蒲柳已與西風鄰。念我識字殊珍少，淺思詎足燭精神。忽憶軒輅初考文，羣鬼曉夜天裂晨。斯高揚馬，竝姦怪召陵祭酒尤絕倫。段生晚出吾最許，勢與二徐爭嶠岫。惜哉數子琢肝腎，鑿破醇古趨囂囂。書史不是養生物，雕鐫例少牢強身。我今日飲婆娑尙不樂，嗟爾皓首魚蟲人。

長安十月飛繁霜，西風落葉憂金商。道場隙地一千畝，頽垣

破礎淒荒荒。壞塔跛陀野狐噪，華榼漫漶飢鼠忙。憶昔憲皇興作日，飛樓湧殿何巍昂。外家恩澤敵田寶，祖師勢要凌侯王。三百年來變陵谷，龍象孱弱黠鷗狂。毗盧閣子今安在？向時鐵鳳蟠穹蒼。銅駝荆棘古所歎，今我何爲獨勞皇。鼻涕垂頤不須管，況問人世淪與桑。

俗儒閣閣蛙亂鳴，亭林老子初金聲。昌平山水委灰燼，可憐孤臣淚縱橫。東西南北轍迹遍，斷柯缺斧終無成。獨有文書巨眼在北斗，麗天萬古明。聲音上溯三皇始，地志欲掩四子名。丈夫立言要須爾，擊輶拊缶烏足鳴。嗟余孱弱退昏庸，百不力付與四海劉傳瑩。

劉郎三十甘蒿萊，荷蓀著書真豪哉。郭生辭我還鄉國，東遊章貢瞰紅埃。跌宕江山要詩句，傾倒懷抱須尊疊。此間頗似醺池寺，但少吳張趯然來。朝飢夕渴不可解，安得銀潢倒落注金杯？

送舒伯魯

神駒秉清峻，墮地凌無前。男兒志萬里，亦在華妙年。舒生吾楚儔，結髮疲丹鉛。內外承嘉蔭，託根魁斗躔。迎婦范陽府，結客彌幽燕。遂來京華，帶滿月彎鳴弦。謂言拾高第，如掇牀頭錢。人事有奇偶，虎鼠非吾權。文章不賦媚，例爲時世捐。芝蘭合勦刈，朝菌香徹天。可憐壯夫志，摧撼終不遷。時時造我園，屏慮商詩篇。高吟動厚地，幽思縋重淵。維桑古有敬，況其接才賢。昨來忽告別，歸意何翩翩？寢門疏定省，肯爲世網牽。一鳴不稱意，脫去如鷹鷂。趙孟等

閒事，難者參與。竊馬走盡此閒，歲月逐風顛。謀歸百不勇，送女聊自鑄。

劉安詩

新甯江君忠源，予之執友也。數爲予稱其邑孝子劉安者。道光丁未，安年齒六十，江君求予以詩揚其行，爲老人光悅，且以風里人。夫甄采時德，作獨行傳之長編，史氏之任也。嘉善而懲，不能勸一而勵百，亦士大夫有風俗之責者事也。故爲之詩歌，遠貽劉安。安名某字某，實縣學生。

金峯萬山轉，劉安巢山椒。邦人所資禮，與山兩岩嶠。天窮苦無告，孤露初及髻。傾家樹四壁，馬磨風蕭蕭。朝餐或恥益，夕飲恆賭瓢。子衿式學省，童冠各在招。束脩飲薄少，歲穫備糲糲。上堂奉甘滑，入室鑿脂膏。一噎三咻摩，一食再溫劬。蒸梨或忤志，捐斥無寬條。嬰兒抱酷愛，畢世非一朝。白日不東返，孝養隨瞥眴。所餘枵與棖，傍身市瓊瑤。觸時卽子卯，有實如春潮。仰供不知劬，俯畜安能饒。舉家浩鵝雁，妻餒兒號宵。維安不鹵莽，長短與量料。緱篴教補裂，呼粥權息憂。鄉鄰敬其誼，百里無飛鵑。長官式其賢，唾息不敢驕。噫乎血氣倫，報本義所要。人紀有乖沸，茲實懸之杓。惠迪經所訓，物理亮非遙。感歎遂成詠，庶以風鄙澆。

送莫友芝

豪英不地固，十九興偏邦。斬崖撥叢棘，往往逢蘭茝。黔南莫夫子，志事無匹雙。萬書溥其腹，廿載幽窮鄉。今年偶作劇，射策來

都堂。青鞵側破帽，日經書賣坊。邂逅一相見，揖我謂我臧。劉郎吾庸敬，好事迷短長。炙酒讀君頌，亦用沾我腸。微瀾時激引，稍稍觀濤江。可憐好手眼，不遑時溫涼。果然被捐斥，勦刈不成芳。誰能尼歸駕？飄若驚鴻翔。我時走其廬，深語非淺商。次及夢我痛，老淚何浪浪。嗟余亦心性，內刺能不降。資然拜牀下，十分肅老龐。關山有乖隔，人事不可詳。萬里共日月，肝膽各光芒。作詩勸歲莫，亦以勤劉郎。

題彭旭詩集後，即送其南歸，二首

日日送歸客，情抱難爲佳。老彭復去我，內撫焉所偕？往予初遇子，睽睽無等儕。應眼迴高秋，勢不甘塵埃。自奮困鄉國，橫被口語猜。絳侯畏臙背，田甲欺死灰。脫身來洛下，稍攝驚魄回。風波一震蕩，萬事何有哉？雄篇忽枉我，峻句何崔嵬。險拔肝膽露，憂患才地開。終然達紫氣，幽獄難可埋。男兒要身在，百忤寧足摧。臨歧不知報，努力乾深杯。

大雅淪正音，筆墨實繁響。杜韓去千年，搖落吾安放？空差可人，風騷通肺響。造意追無垠，琢辭辨倔強。仲文揉作縮，直氣摧爲枉。自僕宗涪公，時流頗忻嚮。女復揚其波，拓茲疆宇廣。大道闢榛蕪，中路生罔兩。孱夫阻半途，老大迷歸往。要當志千里，未宜局尋丈。古人已茫茫，來者非吾黨。並世求人難，勉旃各慨慷。

丁未六月七日考試漢教習試院作二首

潭潭深院鐫局牢，閨日溼雲作鬱陶。薄茗何曾解渴渴，纖絳

便欲等重袍。高堂燕息尚如此，矮屋蜂屯母已勞！得失升沈紛滿眼，世間人事等牛毛。

虞廷胄子肆聲律，漢室小侯齒辟雍。銀漢支流原博大，璧門追琢要從容。師儒落落渺千載，鍼芥時時還一逢。明日鄧林斤斧入，可能涸底拔長松？

丁未六月廿一，爲歐陽公生日，集邵二寓齋，分韻得

『是』字。

譙飲非吾欣，十招九不起。豈不耽羣歡？未詰諸與唯。今日飲邵侯，婆娑辦一喜。多因坐上賓，可人非俗子。梅萼名世姿，蕭然紅塵裏。蟬蛻三十年，萬事知脫屣。獨留文章性，貞好無遷徙。頗獎歐陽公，時時挂牙齒。後者開曾王，前追韓與史。自筮持此論，斯文有正軌。二三邦國英，風流相依倚。持斤向老鼻，郅門欲成市。邵侯宏其波，崢嶸見爪觜。時作好事人，排蕩詩酒理。長安三月雨，炎威方一弛。洗醺招近局，衆賓稍填委。尙想老醉翁，茲辰展攬揆。展圖拜光儀，焚香追無始。餒饑初在霄，良琴復動耳。跌宕宇宙間，嚶嚶亦未已。鄙人實昏頑，百非遭一是。麋鹿生野性，謬來絆金紫。紛華一蕩滿，精光半銷毀。常恐道未聞，隕身同螻蟻。苦緬六一公，終古長不死。名位匪絕人，所貴不關彼。作詩謝邵侯，梅笈竝送似。

謝李生三首

一別李生今四載，我有情懷浩如海。白日西下水東流，嗟余與女不相逢。念女春秋正壯大，勳名邂逅能鼎鑪。三年五年伏不

出，鏡中便恐改昔容。丈夫自謀要深遠，求田莫問陳元龍。深山窮谷霜鏐老，何人拂拭青芙蓉？

曳尾不義宗，孤豚不慕太廟犧。我今等閒爲世用，自憐骯髒百不宜。海國波濤一萬里，天吳罔象相娛嬉。聖主宵衣事展轉，小臣孱薄何能爲？胸中不辨管與樂，囊中嘗少薤與藁。朝歡夕噫不自得，俛首長誦鵲梁詩。

孫生槃槃如刻若，玉立偕女雙瓊瑤。同作二喬好夫婦，盛年咳唾干雲霄。蜀山嵯峨蜀江闊，終有奇士光斗杓。文章不是救時物，揚雄司馬烏足驕。男兒萬事須營膽，詎肯饒倖呼盧梟。女曹報國好身手，看我蹉跎已老醜。

次韻戴醇士邵惠西見過

去年城南臥古刹，高秋萬葉聲鳴憂。病中強哦七字詩，欲調苦腸變甘滑。樞府先生辱相和，神鬼雕鐫何桀黠。鋒除險語歸溫柔，痛與鄙人砭苗軋。我時鄉夢正南飛，欲促歸裝理脂輦。奇章偉句不能報，自慚久暗菴與蜃。豈期歲序遽周遭，西風蕭蕭又愁殺。東島四兔老鞭笞，鏡裏催人雙鬢鬢。二賢忽來曠我懷，高論邱索窮九八。但得尊前賭歡笑，遑冀身後誰識識？紛紛人海縛縛縷，汨汨天刑被髡則。何時卻隨兩間鴈，摩空一盤萬里鵬？

題平谷山莊圖

十年京國踴朝鼓，九陌黃塵塞肝腑。已分喧囂儕市估，忽夢歸去釣湘煙。洞庭八月水如天，沙鷗與我抵足眠。醒來依舊馬嘶

櫪，車聲隆隆震牆壁，始知樊籠困羽翼。開圖對此好谿山，萬重雲水一僧間。清輝照我塵裏顏，何日飄然覩芒屨。往尋盤山松下路，買鄰來傍羊求住。

武會試，闌中作：

禁闌連漏已宵深，涼月窺人肯一臨。此地頻來從案牘，吾生何日得山林？
魏紫露隨三更肅，河漢天高萬籟沈。火冷鐙青無箇事，可憐閒殺愛才心。

題梅伯言扁舟歸養圖二首：

冷風融日作好春，吾子嘉遯逢茲晨。長安高蓋擁衛術，住者牛毛去者鱗。平明趨衙莫退舍，日日前伺喜嶼誰識扁舟五湖外。尚有朝士梅子真。

連水之頭資江尾，十年同違桑與梓。君去芒屨踏萬山，谷鳥崖花各歡喜。白頭老母迎門笑，傾身一拜兒歸矣。我今濡尼不知還，援鶴息壤猶在彼。

書嚴太守大關賑糶詩後：

去年河北哀鴻嗷，千里剝地塊無毛。蠶性壓圭百不應，妻兒饑食夫遁逃。吾皇慘惻軫飢溺，銀潢下灌傾恩膏。詔發內儲一百萬，拯置衽席蘇號咷。頗聞洪波有滲漏，蠹賊難防胥役饕。令我苦思循良吏，部勒仁政明秋毫。麗江太守今召父，噢咻赤子歸甄陶。政成撥冗罷歌舞，跌宕演海窮詩騷。竭來金門謁帝座，一編示我何桀驁。賑糶兩章尤警絕，風格欲與次山爭旌旄。大夫出疆得專

擅，汲黯發粟史所褒。叔世譏賑非細事，走章馳檄相督饒。州家申求使家阻，民册吏牘如山高。君能奮身拯水火，一破積習萬口牢。畫脂不是壯夫業，詩外有事真賢豪。安得九州徧公等，撫摩萬衆離煎熬。作歌聊用勸來哲，下考莫晒陽城勞。

送黎樹喬侍御南歸六首：

時歲善適遇煩，煩無少舒。秋色滿大地，良朋還去予。十年聚京輦，竝頭相向濡。深言洞金石，密意安綦紉。傾酌酌家釀，鐙火照狂愚。不能久依倚，脫棄如驚鷗。民生各時令，進止非人圖。物自持其末，吾自敦其初。高秋天萬里，浩蕩一春鉏。

平生秉微抱，志與詩騷親。孤音裂肝膈，劇然震乾坤。持用告庸子，舉世優不聞。先生有妙鼻，容吾揮一斤。賞妍越恆理，逐臭詔奇芬。高歌切哀玉，吹我上青雲。多學墮盛德，雖然豈不仁。文章事微薄，在物未爲珍。秋豪較得失，老死相斷斷。從今概根本，破硯吾欲焚。

萬歲行滔滔，後水逐前水。今古數達官，河沙不可紀。生存勢薰天，死去飽螻螻。達人計深長，誓不欲糠粃。嗟余本野性，邂逅絆金紫。尺寸無功能，高明畏神鬼。雷同榻太倉，或恐損廉恥。倦羽企歸風，余亦行休矣。篋笥歸松枿，從君萬山裏。

逆夷青燭漫，兵甲禦南東。殺人飼蛟鱷，大海爲之紅。君時卽我謀，雪涕向蒼穹。夜半草萬言，朝奏甘泉宮。道謀復旁午，羣策難昭聾。聖擇有姑舍，神斷自天聰。自獻雖不效，義憤作買終。事往一

回首人各發舊蒙。所貴中無疾。焉計達與窮？

洞庭天下闊。清傑橫六字。中有兩佳人。乃是淵窻伍。湖北字
某雲。南曰孟容甫。歐氏同劉宗。神明本漢祖。實惟吾友生。交期澈
肺腑。乖隔漫關河。夢魂奔越苦。朝憶便成昏。夜思或達午。此士臥
深山。靜氣卻約虎。君去儘尋求。夙便還一吐。物外得真遊。方寸能
歌舞。

驄馬鑿驤行如飛。幡然下馬賦歸去。諫草上付九重天。扁舟
遙指三湘路。先生素志在湖海。復欲蒼生歸陶鑄。十年風緇虎觀
書。六載霜冷烏臺樹。滄海鯨鯢浪正高。洪河蛟蜃秋尤怒。杜老窮
年憂黎元。賈生伏闕陳時務。虞延自有龍壘在。朝士誰結巢由慕。
長安風寒秋氣高。離筵酒暖日色暮。共因去國惜歐九。私喜見幾
繼疏傅。昭山樹古霜逾瘦。洞庭水深寒可渡。定將蹤迹瀾漁樵。猶
有耕桑酬雨露。他年拂衣我歸來。爲訪先生嘉遯處。

題季仙九師采蘭菡菊圖

靈儀耀德輝。昌期偶一造。翾羽時倦飛。丹穴仍高蹈。吾師生
民傑。瑩粹邁珪璋。文章養其原。木雞極啄菹。詩老昔采風。溟海蒸
英髦。聖皇豁四聰。惇樸信所勞。文軫馳西南。武庫職旌纛。夷然鎮
廟堂。羣士息浮躁。秋月照琴心。忽理思歸操。東籬菊正肥。南陵蘭
可萼。翩然謝綦綦。巾車已復膏。小子秉孱薄。門牆備灑掃。追隨漫
十年。未洗縞塵眊。稻梁通旅懷。詩禮荒庭誥。賦詩鐫此心。搖搖如
植柳。

題張石舟煙雨歸耕圖

靖陽老翁飢不死。四十年來瞰書史。一朝悔悟思改弦。萬卷
書拋到脫屣。高車大馬謝羣兒。草服黃冠吾歸矣。朋知聚處頗相
怪。問翁生涯欲何以。東阡南陌一毛無。四海九州將安底。翁言少
小唏羹臬。曾對老蒼於爪觜。幾年束縛蠶在匡。數輩响濡魚乞水。
中散自憐七不堪。於菟但聞三見已。閱世蠻觸多戰爭。策身臧穀
無完美。逝將巖壑躬耕桑。不受邱軻老鞭箠。軀體諒非百年物。夢
魂倏在千山裏。煙雨濛濛插新秧。短渠澌澌纔長鱸。泥飲卽農與
酣嬉。招呼黃犢同臥起。翁言未終我已躍。此身不歸神先徙。行趨
神武挂衣冠。往尋谷口買鄰里。誰能皓首黃塵中。項短尻高不知
恥。

卷四

邊孫芝房使貴州二首

妙年作賦動明光。父策星軺赴夜郎。文采邊陲瞻泰斗。儀容
寸步中宮商。沅湘過訪三閭廟。宛葉行經百戰場。定有新詩傳萬
口。歸來吾與解奚囊。

六年陳迹吾能記。病骨秋風入劍關。曾洗人天清淨眼。飽看
巴蜀怪奇山。君今巖壑搜羣玉。自有光芒照百蠻。不似老夫徒碌
碌。崑岡一網手空還。

書邊袖石詩集後二首

鐫章琢句尋常事，激烈心情給可憐。今日詞臣須頗牧，古來豪士出幽燕。楊家忠義存三統，孫相威名在九邊。莫藉文章追往昔，慙慙肝膽報皇天。

苦憶荊州王仲宣，投簪浩蕩臥江天。三年促膝從予坐，四海低頭道子賢。北李南何各壇坫，楓青塞黑與纒縣。因君更逐停雲想，望斷襄陽落照邊。

太學石鼓歌

韓公不鳴老坡謝，世間神物靈寒灰。我來北雍撫石鼓，坐臥其下三徘徊。周宣秉旄奠八柱，岐陽大狩鞭風雷。四山冒學市天布，羣后冠帶如雲來。東征北伐盡殫穢，方召嘽嘽何雄哉。銘功鐫石告無極，欲鎮后土康八垓。自從七國戰龍虎，荒荒王迹淪蒿萊。嬴顛劉蹶六代沸，把酒但勸長星杯。陳倉流落一千載，霜斃日刻空黃埃。國子先生老好事，欲比鄒鼎珍瓊瑰。東都相相守右輔，始昇泮沼刈蒼苔。五季螭蟠頤星散，司馬刺史初重恢。是時十鼓嗟失一，拋棄不辨何山隈。博搜民閒得異白，秦關復贖連城回。宣和天子嚮儒雅，太清書畫千雲堆。詔移此石歸汴水，圖橋觀聽何森。庭行填字鉤發光，怪照耀良岳金碧開。豈知六龍卒北狩，法物會不祿凶炎。高車大牛輦萬貨，填坑咽谷驚三才。是鼓蒼黃亦北徙，重器始此蟠燕臺。道園詩翁主太學，興舉百廢扶傾頹。中門兩根與位置，華楹大棟增崔嵬。承以輶壇護以檻，清陰四霽連疏槐。邇來春秋閱五百，光氣夜夜騰斗魁。聖清文明邁巢燧，亥扶書契窮

根荻。從臣技能半史籀，別作新鼓相追陪。小儒昏鈍無所識，得從械槩備條枚。細思物理窮顯晦，茫茫人事不可推。作歌聊繼二公後，不羞驚寒隨龍媒。

題朱伯韓侍御之尊人詩卷手蹟

異時河內初陸梁，誰其禦者朱與張。強公身死弱妖黨，殊恩稠疊旌國殤。朱公墨守一黑子，遮蔽懷衛如苞桑。時適歲邁三十載，事過頗憶張睢陽。吾皇繼序錄勳伐，詔祀名宦褒忠良。流芬遠韻不可實，遺墨始此瞻暉光。詩律欲傳杜宗武，風微略近元漫郎。公家衮師吾所友，向人繡繒好肝腸。往時嬌養比蒼玉，今日柯條還老蒼。諫章九門憊虎豹，文事四海知班揚。阿季行能亦超超，輕收科第如擢篋。永慰老翁山下魄，九原一笑能軒昂。近聞汴州赤大地，千里緜緜無疆極。析骸易子都窮盡，公之舊部亦流亡。河北枯骨相枕藉，關西寇盜仍披猖。安得如結且千輩，散布都邑蘇瘡傷。摩挲此卷三太息，聊表先正諒方將。

題朱伯韓詩集後十首

雞鳴足朝莫，陰曠終不開。高歌戰寒夜，四壁轉風雷。有客投明月，驚顧非凡胎。古人亦已矣，吾猶及此才。稂莠驕復驕，桃李闐無言。堂堂魏長史，畫簾壁上觀。丈夫有深意，出手無俗彈。恆沙閩人面，相識良獨難。明珠伏濁浪，能媚不能流。傾人力如虎，折節師溫柔。肝腸自骯髒，面目自伊優。再拜問君子，此可言詩不。

金陵昔歆血，裂眚激癘疫。事過付東風，杳杳如故時。豈非吾輩恥，痛距不可思。三更荷戈起，四問夜何其？

東家老鼻祖，詔我三百篇。造詞如日月，萬古趨新鮮。竊人者無恥，自得將爲賢。鄙夫目論爾，君謂不然？

吾子如春陽，照臨列枯朽。我亦無所知，我亦無所有。頗好感事詩，善歌敵臆腹。歲晚脣又乾，君須濡我酒。

吾國有狂生，白眼善揮斥。稱子賢無朋，許予曰頗亦。中途生波瀾，生死長乖隔。青山一杯土，永埋壯士魄。

桂林天下秀，生才雅且毅。有美王與龍，虎視令人畏。誰道儒誤身，等閒拾富貴。平津老封侯，君今齒尙未。

甚矣吾其衰，百思今廢置。平生所好賢，支離背時利。明鏡承食漿，干將不一試。天高帝閭嚴，薦達談何易？

舉世禮邱阿，貌尊非心即。草元二千年，今無一人識。思之復思之，粒粟開八極。君試騰汗漫，我當借羽翼。

送梅伯言歸金陵三首

金門混迹髮蒼蒼，從此菰蒲事月長。人世正酣爭奪夢，老翁已泊水雲鄉。自繇素業衡輕重，久覺紅塵可憫傷。祇恐詩名天下滿，九州無處匿韓康。

徵君絕學冠寰瀛，又見文孫樹立宏。六葉弓裘傳柏枧，百年耆舊數宣城。懷仁廟虛前席，盡訪鴻儒佐太平。豈獨當時能感激，至今臣子涕縱橫。

文筆昌黎百世師，桐城諸老實宗之。方姚以後無孤詣，嘉道之間又一奇。碧海鼉蛙鯨鯨候，青山花放水流時。兩般妙境知音寡，它日曹谿付與誰？

送黃恕皆使秦中

鞞轂蜂房聚，萬人扃閉牢。脫身得出走，塵鞅方一逃。黃君吾黨彥，閤默謝羣鸞。持節下關隴，太華秋氣高。西北收功實，自古產英髦。聖朝枋儒術，土室始深谿。三徵臥不起，四字爛天褒。張呂去云久，餘緒猶可縈。丹穴鳳所都，累葉無凡毛。猗蘭豈不馥，所貴采擷勞。三洗人天眼，往觀大海濤。擗盡波底蚌，明月終在遭。先民有遺紹，邈遁入甄陶。歸來謝天子，亦用誇吾曹。爲已辨繁輔，與世置憂臯。

北堂侍膳圖爲姚吏部題二首

脫葉辭喬柯，迴旋依舊曉。行役有乖違，梓桑終繡綉。姚君虞舜裔，純行亞珪瓊。伯瑜陳采服，下堂自婉婉。一從通朝籍，鄉關日已遠。浮雲有東西，遊子不得返。

樹蘭服衆芳，誰能忘根本。爰圖聖善容，慰此深愛悃。嘉魚初在烹，新筍欲盈匱。不惜求取勞，但虞珍膳損。魏關身事羈，南陵歸夢穩。移孝出忠勳，邇遐還補袞。

題陳氏五世鄉賢遺像

純皇撫九有，至文耀天樞。詔舉明經士，四皓來于予。介休薦梁參，江南顧與吳。陳公實稱首，人中見鷹鵠。峨冠長太學，魯國始

一儒。洪河無近脈，崑山玉所都。三朝契令緒，四世表其閭。繁維聖
舜胄，家聲自古初。義門翁惇穆，太邱世簪裾。門風不復墜，繼踵踐
天衢。金籙澤易斬，君子席詩書。瞻言禮遺像，仗几如可趨。聊表先
民軌，一爲薄俗模。

韓齋爲孔舍人題

西京大雅淪，斯文日凋敗。天不喪周孔，使人續馨歎。韓子賦
中原，聖言始有賴。孤竅吐雄奇，金聲塞兩戒。時於蕙蘭室，中出蛟
龍怪。迴首視齊梁，有作頗衰憊。一從茲塗關，來者方雲會。豪彥仍
響臻，歐曾得兩大。聖清炳昌運，方姚實孤邁。魯宴有雲孫，者占百
無懈。齋秘奉丞嘗，但下昌黎拜。大書榜其室，夙莫見善蔡。誰云千
載遙，神理與鍼芥。湜翹漫親炙，相夷等自郗。

桐陰消暑圖爲吏部題

炎曦灼大地，蠕蚊同烹煎。有生奔末利，擾擾不遑安。史君靜
者流，置身巢燧間。綠天展珍簾，桐葉生虛寒。烹茶激清吹，拂箔迴
微瀾。客來戒不報，應事莫相干。頗亦哀老子，佳眠未渠闌。

題苗先簾寒鈴訂韻圖

大雅久淪歇，正音委榛蕪。永明肇四聲，稍變周漢模。開皇集
八士，牙曠相飾揄。夜半書綱紀，韻學茲權輿。承襲一千載，灌莽成
康衢。韓公頗好古，枉啜六經腴。放者騁遊騎，斂者如懷駒。進退失
所持，不得返皇初。有宋盛文藻，才老信狂夫。陳生與晚明，秉燈照
幽墟。勝廣驅除畢，沛下風雲趨。聖清造元音，崑山一鴻儒。中天懸

日月，堂堂燭五書。上追召陵宴，千載若合符。斯文有正軌，來者何
于？江戴揚其波，段孔入其郭。苗髯最晚出，匯爲衆說都。精思屈
鬼膝，高論揖唐虞。鸞熊咬入夢，薪火耀天樞。神光不可熄，長夜一
鐙孤。風雪交四壁，焚膏校殘書。人謂髯何憊，髯謂吾自娛。自我與
髯友，大海禮閒鷗。時洗爭笛耳，一聽奏青謳。物外有真知，肝鬲助
歌歎。愛髯不忍別，作詩寫區區。

養閒草堂圖爲潘博士題

浩浩市聲沸，塵霧如驚濤。中有澹定人，萬事渺秋毫。家世東
山舊，諸謝各清高。末行濯德輝，九天一羽毛。豈謂迴風勁，修路滯
將翔。乾坤豈不大，一笑解天弢。四時足休息，靜極思作勞。時攜桑
輿友，物外得佳邀。脫帽談虞夏，生理寄濁醪。歸來對虛室，風日淡
相遭。老鶴傍人睡，羣雞正喧嘈。

陶太常小像

江波少還戀，者宿日凋零。豈知永嘉末，吾猶及老成。乾嘉昔
云盛，錢王蔚典型。傳經孟喜鄰，同字子雲亭。各奉本師說，森然啓
門庭。先生時少壯，繁敦接芳馨。曾從大匠揮，斧動神靈。跌宕五
十載，數輩倚聲名。踏破九州莎，依舊還天廷。後生仍好事，快覩先
民程。邇然好須鬢，圖此歲星精。柏寢話疇昔，緒論吾嘗聆。瞻言詠
斯篇，一寄思古情。

題答箕谷圖

我家湘上高崑山，茅屋修竹一萬竿。春雨晨鋤斷玉版，秋風

夜館鳴琅玕。自來京華驅車馬，滿腔俗惡不可刪。洞庭天地一大物，一從北渡遂不還。苦憶故鄉好林壑，夢想此君無由攀。嗟君與我同里社，誤脫野服充朝班。一別蒼筤謝援鶴，十年臺省翔鸞。魚須文笏豈不好？卻思鄉井長三歎。錢塘畫師天所縱，手割湘雲落此閒。風枝雨葉戰寒碧，明牕大几生虛瀾。簿書塵埃不稱志，得此亦足鐫疏頑。還君此畫與君約，一月更借十回看。

答李生

我年廿四登鄉貢，始與劉容相追陪。延津雙劍忽會合，深夜挂壁鳴風雷。勳名自謂凌管樂，文采何曾怯鄒枚。豈知義和鞭日月，上光陰火急催。老劉偃蹇不稱意，酸寒一衿初受裁。我雖置身霄漢上，器小僅儕與壘立。朝本非汲黯節，媚世又無張禹才。似驢非驢馬非馬，自憎形影良可哈。中天廣殿鑾雲開，飛臺結構要羣材。倦眼相徧天下士，焉知吾國有顏回。李生年少風骨峻，驍騰汗血龍所胎。平地一朝能九仞，欲與老劉爭崔嵬。萬里辭家來從我，如金受冶玉受鑄。斷輪祇有一心喻，獻璞願爲兩足災。世上升沈日千變，得失於我何有哉。朝來告別問何往，迎婦塞外祠高禰。長安自是別離海，新婚便作錦繡堆。離情古語雙恹恹，新詩妙句千瓊瑰。我有一言生聽取，冰蘗乃爲福之媒。富貴綺羅遭鬼瞰，憂患可以堅筋骸。陳平終非貧賤客，王章莫忘辛苦懷。邊關十月雪黏天，勸生爲我盡一杯。

送唐鏡海先生九首

六年高臥大江隈，萬里蒲輪驛吏催。京國諸儒齊額手，溫公新自洛陽來。

金殿從容道古今，高言字字印天心。鐘聲送出東華路，已報槐階轉午陰。

摹天繪日本難工，聖德何由測六龍？白髮老臣私贊歎，文如聖祖武高宗。

漳衛滔滔走帝都，堯封何事闢溝渠？廿年深究齊民術，一卷新呈水利書。

上相南征策衆材，軍容十萬轉風雷。書生卻進安民策，盜弄潢池事可哀。

秦岱高雲不可攀，曾興霖雨在人間。如今老去神功斂，祇就君王乞放還。

道德神仙各有謀，行藏雖一事難侔。功名不數神司諫，出處羞稱李郭侯。

熙朝正學要匡扶，衆說紛紛各啓塗。歸語江南諸父老，太平天子好真儒。

粉榆後進謬升堂，習習春風杖履旁。此後追陪何日是？鏡中吾亦鬢毛蒼。

謝疊山賈卜研爲劉太守題

青花一片疊寒泉，中有殺魄蒼蒼天。大宋河山淪桑改，孤臣心事金石堅。當年賈卜建陽市，麻衣血洗流成淵。吞炭不復容三

擊下簾何會索一錢。獨父宋父弔鸚鵡，東川西川泣杜鵑。豈知歷劫冰霜後，尙留人世文字緣。辰陽太守亦可憐，老抱石兄喜欲顛。三年膜拜憫忠寺，萬里攜將書畫船。書生凝絕例如此，稱先道古口流涎。不如翫桀兩忘去，日摩頑石支頭眠。

謝李辛仙二首

巴東三峽援嘯處，太白醉魂今尙存。遂有遠孫通醉蟹，時吟大句動乾坤。愛從吾黨魚忘水，厭逐人閒蠹處禪。卻笑文章成底用，千篇不值一盤殮。

勁翻聲空故絕倫，吹噓曾未出風塵。細思科第定何物，卻是饑寒解困人。大道但期三洗髓，長途終遇九方甄。高秋一放脫羈去，看汝飛騰亦有神。

曾合一首贈劉孟容郭伯琛

東風吹片雲，嘉客來千里。喘如竹筒吹，腐公楚然喜。朋僚難迎笑，吾亦倒吾屣。各自祓其魂，告曰某在此。傾衿語晨夜，爛漫不知止。上言辭別長，歲月弦脫矢。下言兵事殷，成敗真夢耳。江漢天下雄，三年宅蛇豕。王師有蹴踏，戈船照清泚。掀浪煮蠃蟹，洪濤染爲紫。長驅下斬黃，鐵鎖沈江底。羣龍水中生，怒螳車下死。英英塔與羅，威名驍南紀。倚嘯灑廣閒，天戈欲東指。人事有變遷，由來不可擬。鬼火夜灼天，壞雲壓高壘。龍驤付一炬，韓壁僅可抵。偕行竟無衣，存足乃無履。夜半飢腸鳴，大聲震江水。腐公不知羞，恬然矜爪觜。謂言多難時，從來福所倚。在莒義不忘，圖南風漸起。稍稍召

驚魂，時哉可歸矣！世論自悠悠，冰膚生瘡痂。因窮念本根，風雨思君子。艱難復相逢，得非天所社。回首廿年前，志亢聲亦侈。憂患閱千變，返聽觀無始。老夫苦多須，須多老可鄙。二子苦無髭，無髭亦可恥。自乏諸俗韻，不關年與齒。貞松無春競，歲晏行可俟。作詩誌會合，亦用砭諷訾。

題楊忠愍公二疏手草

古孰無死，曾不可班。輕者鴻毛，重者泰山。楊公正氣，充塞兩閒。遺文妙墨，深播人寰。馬市一疏，聲振薄海。更擊賊臣，五奸十罪。心追逢比，身甘范蠡。取義須臾，歸仁千載。翩翩諫草，猶存手稿。古柏擎空，似枯彌好。鬱此英風，輔以文藻。長有白虹，觸茲環寶。

次韻何廉昉太守感懷述事十六首

域中哀怨廣，場開屈宋前。還第二回幻，想更無天可問。牢愁寧有地，能埋秦瓜鉤。帶何人種，社稷支離幾日培。大治最惜金鋪躍，那容世界有奇材。

慘澹兵戎春復秋，濁醪誰信遺千憂。戰場故鬼招新鬼，世事前瀛散後瀛。馳逐幾同秦失鹿，劬勞祇愧魯無鳩。何時浩蕩輕鷗去，一舸鷗夷得少休。

二月長安春始歸，觚棱回首夢魂飛。宮鴉掠日槐陰瘦，廐馬嘶風柳絮肥。東閣賜茶雙鳳闕，西郊迎蹕九龍旗。十年苦憶鈞天奏，老大眞憐未拂衣。

滄海橫流澤有鴻，微生獨出一當熊。千鈞榜織怒濤，萬幕

筋吹明月中。屠罷長鯨波尚赤。戰歸驕馬汗猶紅。誰知春晚周郎老。更與東皇乞好風。

鍾山祠廟巋然存。憑弔湖湘烈士魂。馬革裹屍男子志。鸞刀祭脾聖明恩。弓旌夜動神依戶。簫鼓春祈福滿門。萬世游人應指點。血殿窩眼古時痕。

潯陽江水接天長。良將新祠皎雪霜。半壁東南支柱石。數州士女薦馨香。竟無耆壽追充國。猶有嘉名配武鄉。匹馬寸金都謝絕。三明可必數西涼。

山縣寒儒守一經。出山姓字各芳馨。要令天下銷兵氣。爭說湘中聚德星。舊雨三年精化碧。孤鐙五夜眼常青。書生自有平成交量。地脈何曾獨效靈。

援鶴沙蟲道並消。誰分糞壤與芳椒。昨來皖水三河變。堪痛阿房一炬焦。勾踐池邊醪易醉。田橫臺上酒難澆。同袍才俊彫零盡。苟活人間祇自嘲。

鵠原橫實第三人。歸嘆華亭不復春。先軫歸元何日是。臧翻相骨本來貧。科名人滯青雲路。身手難扶赤日輪。十二萬年香不滅。從渠擣麝作灰塵。

江雪湖波路幾千。壺頭歸葬事堪憐。鑄金叩叩終何益。埋玉深深不計年。夜月一鉤涼蕙帳。春風十萬散榆錢。神靈甲馬如相助。莫遣愁人歎逝川。

蓋觴初引一泓泉。流出蛟龍萬丈淵。從古精誠能破石。薰天

事業不貪錢。腐儒封拜稱詩伯。上策屯耕在硯田。巨海茫茫終得岸。誰言精衛恨難填。

幕府山頭對碧天。英英羣彥滿樽前。共扶元氣迴陽九。各放光明照大千。短李迂辛難嘲謔。箕張牛奮總安便。獨憐何遜今漂泊。望斷寒雲暮靄邊。

微閣藤廳淡淡紅。多君翔步五雲中。良緣彩鳳雙飛翼。慧業靈犀一點通。典郡四旬書上考。闔門八口祀昭忠。災祥誰識大公意。休向西風泣路窮。

由來忠孝易通神。忉利華鬘識後身。石爛海枯終有盡。生天成佛豈無人。關河庾信空蕭瑟。形影陶潛孰主賓。雞犬全家存帝所。淮南生計未全貧。

荒城風雪臥袁安。高節鴻才萬目看。嬾讀司空城旦法。曾希柱後惠文冠。出山馴雉網羅密。失水神龍變化難。猶有老梅嬌萼發。先從三界解春寒。

聖主中興邁盛周。聯翩方召并公侯。神威欲挾雷霆下。大業常同江漢流。漢火位聞山甫究。桐廬豈有子陵裘。鵠鸞臺閣方新構。杞梓棟樑一例收。

題易公筠亭遺像

昔歲在丑。詰人西遊。我作挽辭。比許文休。馬磨既甘。不競不綵。亦有月旦。胸剖九流。東崖奉親。朝戲綵舞。暮歸讀書。羣言漢斧。鄉閭屢試。襲無完桐。文章憎命。淚灑秋風。不於其躬。迺祚其子。濯

濯芳蘭，弄拾青紫。弓冶不墮，載述先芬。瞻言遺像，永播清塵。

王母方太夫人

凡響無異材，鑒餘得佳桐。衆卉競春華，歲寒彰貞松。坤德无咎譽，非儀兩不蒙。莞然遺閔凶，高義古所崇。中材利行之，綽楔留芳蹤。卓哉賢母德，激烈乃過中。別嫌謹錙銖，年高茲益恭。至性無矯揉，情摯超凡庸。無所爲而爲，乃與神明通。有孫立朝端，卷卷蓋匪躬。乃知玉泉流，璇源已沖融。白嶽黃山間，靈氣鬱蔥蔥。明靈永不泯，奕世揚休風。

壬戌四月，沅弟克復巢縣和州含山等城，賦詩四首

濡須塢裏漲春波，三月鶯囀氣正和。一騎雲飛新報捷，漢家收復舊山河。

碧血家家百草腥，荒郊五夜泣坤靈。將軍一掃陵陽道，便有遊人說踏青。

半壁山前鐵鎖橫，當年諸將洛聲名。卽今錐鑿西梁下，益信先皇萬里明。

師淑韓公二十霜，敢將裴令並論量。諸君自有涪溪筆，看取穹碑日月光。

沅圃第四十一初度

九載艱難下百城，漫天箕口復縱橫。今朝一酌黃花酒，始與阿連慶更生。

陸雲入洛正華年，訪道尋師志頗堅。慚愧庭階春意薄，無風

吹汝上青天。

幾年橐筆逐辛酸，科第尼人寸寸難。一劍須臾龍變化，誰能終古老泥蟠？

廬陵城下總雄師，主將赤心萬馬知。佳節中秋平劇寇，書生初試大功時。

楚尾吳頭閣戰塵，江干無土著生民。多君穩定同安郡，上感三光下百神。

濡須已過歷陽來，無數金湯一翦開。提挈湖湘良子弟，隨風直薄雨花臺。

邂逅三才發殺機，王尋百萬合重圍。昆陽一捷天人悅，誰識中軍血染衣？

平吳捷奏入甘泉，正賦周宣六月篇。生縛名王歸夜半，秦淮月畔有非煙。

河山策命冠時髦，魯衛同封異數叨。刮骨箭瘢天鑒否，可憐叔子獨賢勞。

左列鐘銘右謗書，人間隨處有乘除。低頭一拜屠羊說，萬事浮雲過太虛。

已壽斯民復壽身，拂衣歸釣五湖春。丹誠磨鍊堪千劫，不藉良金更鑄人。

黃河餘潤沾三族，白下飢民活萬家。千里親疏齊頌禱，使君眉壽總無涯。

童穉溫溫無險巇，酒人浩浩少猜疑。與君同講長生訣，且學嬰兒中酒時。

甲子八月二十日，沅甫弟四十一生日，爲小詩十三首壽之。往在壬戌四月，沅弟克復巢縣和州含山等城，余賦詩四首。一時同人以爲聲調有似饒歌，而和之。此詩略仿其體，以徵和者，且使兒曹歌以侑觴。——國藩識。

題唐本說文木部應莫邵亭孝廉

插架森森多於筍，世上何曾見唐本。莫君一卷殊瑰奇，傳寫云自元和時。問君牝卷有何珍，流傳顯晦經幾人。君言是物少微識，殘牋黯黯不能神。豪家但知貴錦裘，陋巷誰復憐綦巾。縣令君持贈我始吐光怪干星辰，許書劣存二百字。古鏡一掃千年塵，篆文已與流俗殊，解說尤令耳目新。乾嘉老儒耽蒼雅，東南殿段竝絕倫。就中一字百搜討，詰難遽起何斷斷。暗與此本相符契，古轍正合今時輪。乃知二徐尙齒莽，詒誤幾輩空因循。我聞此言神一快，有如枯柳指馬疥。我昔趨朝陪庶尹，頗究六書醫頑蠢。四海干戈驅迫忙，十年腴肉消磨盡。卻思南閣老祭酒，舊學於我復何有。安得普天息擣槍，歸去閉戶注凡將。

贈吳南屏

春霖颯颯天如篴，大麥菸邑小麥摧。愁顏彌月何曾破，故人飛權從天來。與君握別纔幾日，已見新火十鑽槐。當時洞庭酬別酒，乾坤戰伐正喧豨。沅湘義軍參差起，十事欲成九事乖。英豪半

藏蜀國血，大地徧種秦時灰。卽今南紀風塵靖，亂後遺黎多魯災。荒村有骨飼狐貉，沃土無人闢蒿萊。筋力登危生理窄，斗粟誰肯易嬰孩。三里誅求五里稅，關市或逢虎與豺。謬領大藩二千里，瘡痍不救胡爲哉。羨君高臥君山頂，吞吐湖月無愁猜。世味飽諳肱三折，長吟極望天四墮。招邀軒轅論古樂，前夜屈氏餞餘哀。談經頓折巨儒角，手攜篇日照昏霾。翩然一葉忽東下，相見各憐雙鬢皤。寧知滄桑閱百變，復此對持掌中杯。蒼天可補河可塞，祇有好懷不易開。努力且謀千日醉，高談集燧訖有郇。

讀吳南屏送毛西垣之卽蜀長歌卽題其集

十載鄰園獨爾思，眼明今日見新詩。嘗覺大雅終將絕，豈意吾儕視此奇。木落千山初瘦消，風迴大海乍平夷。此中真意憑君會，持似旁人那得知。

人間骯髒一毛生，與子交期如弟兄。忽出關門騎瘦馬，去看東海掣長鯨。放歌一弔田橫島，釀酒還臨樂毅城。併入先生詩句裏，干戈離別古今情。

游金山觀東坡玉帶詩

去歲歸颿拂金山，咫尺浮圖不可攀。今年又翦瓜洲渡，扶攜妙友隄隄歸。簞領叢中困桎梏，脫身一試腰腳頑。微風颺江衆鐵靜，一抹橫吞東海寬。耽耽樓觀今安在，無情瘦石空巒岈。六飛昔臨浮玉頂，御榻霄漢千龍盤。兵火十年變陵谷，道場百畝荒榛菅。頽垣不見螭螭棟，荆扉無復獸豨環。古佛負牆滲秋雨，緇僧無食

號夜寒。燭餘蘇。公舊法服。腰玉片片留人間。絳佩流傳七百祀。天章褒寵同錫鞶。我懷峨嵋老尊宿。翔翔人海如鳳鸞。揚子江頭數來往。幾回愉樂幾悲酸。北去烏臺判死別。南遷嶺表絕生還。磨蝎作災魑魅肝。荆棘塞天行路難。差喜名山藏故物。長倚江月照忠肝。巴陵詩叟抱奇逸。齊盟早歆風驪壇。欽板厭束淵明帶。談經時截子夏冠。昨來省我鍾山麓。今此東遊興未闌。扁舟更欲探歐越。誓窮人力發天慳。嗟余本志耽邱壑。羈束塵鞅無由刪。江山自佳日自富。堪笑紛紛苦不閑。

贈李眉生

倦翮復南翔。重眺鍾阜煙。舊遊多環萃。羣卉正芳鮮。謂可擴吾襟。孤懷乃悄然。非材竊祿位。俯仰慚高天。術業一無成。浩浩送流年。竊憤常廢事。識闇或蔽賢。多病無安食。多悔少佳眠。無德居高明。衆鬼瞰瑕罅。無學臻衰耄。但爲時所鑄。誰言所遇順。撫衷百慮煎。勤子來存訪。至論探九淵。鬱塞乃過我。神困難爲妍。人世多乖迂。圓一缺常千。義娥驅童卯。舉世惜華顛。天命誠足畏。愁思且當捐。

青松生危巖。獨立向清昶。風韻憂韶成。交柯蟠龍象。逸氣千層霄。瀟灑謝塵央。廟廊構壞材。羣工共嗟賞。虹梁皎朱戟。天門信蕩蕩。豈知咫尺間。歧路多迴枉。挽來不能寸。推去或千丈。託根倚峻巖。植基固不廣。孤高招烈風。薄俗寧足仗。蒼穹富雨露。百昌日夜長。大鈞一轉旋。徘徊神所獎。聊究莊生旨。齊物尋影響。行止皆

有待。還以咨罔兩。

題俞蔭甫羣經平議諸子平議後

聖祖曠千禩。微言久歇絕。六籍出燔餘。諸老抱殘缺。尙賴故訓存。歷世循舊轍。從宋洎有明。軌涂稍歧別。皇朝褒四術。衆賢互標揭。顧閭啓前旌。江戴紹休烈。迭興段與錢。王氏尤奇傑。大儒起淮海。父子相研悅。子史及羣經。立訓堅於鐵。審音明假借。課虛釋癥結。旁證通百泉。清辭皎初雪。九原如有如。前聖應心折。俞君一何偉。奎步追襲哲。盡發高郵奧。擔囊破其鑄。君昔趨承明。鳳鸞與頤頤。輶車聘嵩洛。康衢誤一跌。子雲官不達。草元更折節。文固友天葩。經神供清醴。彪言頗舐排。諸子亦梳抉。復從羣賢後。森然立絲蔕。嗟余老無成。撫衷恆悒悒。閎才不薦達。高位徒久竊。茲編落吾手。吟覽安可輟。

謝王王秋徐州見贈之作

戒徒事秋蒐。理權及淮甸。塵埃正紛拏。邂逅接英彥。乖離七易霜。天遣更相見。後車攜羣客。同馳彭城傳。輕颺淞素襟。名論迴深谷。自云尋絕學。涂軌約三變。僑居蒸水陽。親知斷游議。閉戶自高歌。寒宵百慮戰。羣聖下窺瞰。憂喜相慶唁。盡挾諸清心。始知老儒時。探篋出新編。照座光如電。說易燭大幽。箋書祛衆吃。旁及莊相旨。抵巇發英眊。大雅久不作。小知各自銜。漢宋互嘲謔。餘炎更生熖。遲君紹微言。豪芒辨素絢。高揭姬孔情。洪濤消積霰。湖湘增景光。老懷亦忻忭。

伎求詩二首

善莫大於恕，德莫凶於妒。妒者妾婦行，瓊瑣奚比數。已拙忌人能，已蹇忌人遇。已若無事功，忌人得成務。已若無黨援，忌人得多助。勢位苟相敵，畏偏又相惡。已無好聞望，徽人文名著。已無賢子孫，忌人後嗣裕。爭名日夜奔，爭利東西驚。但期一身榮，不惜他人污。聞災或欣幸，聞禍或悅豫。問渠何以然，不自知其故。爾室神來格，高明鬼所顧。天道常好還，嫉人還自誤。幽明叢詬忌，乖氣相迴互。重者裁汝躬，輕亦減汝祚。我今告後生，悚然大覺悟。終身讓人道，曾不失寸步。終身祝人善，曾不損尺布。消除嫉妒心，普天零

甘露。家家獲吉祥，我亦無恐怖。

知足天地寬，貪得宇宙隘。豈無過人姿，多欲爲患害。在約思豐，居困常求泰。富求千乘車，貴求萬釘帶。未得求速償，既得求勿壞。芬馨比椒蘭，馨固方泰岱。求榮不知鑿，志亢神愈怏。歲煥有時寒，日明有時晦。時來多善緣，運去生災怪。諸福不可期，百殃紛來會。片言動招尤，舉足便有礙。戚戚抱殷憂，精爽日凋瘵。矯首望八荒，乾坤一何大。安榮無遽欣，患難無遽愁。君看十人中，八九無倚賴。人窮多過我，我窮猶可耐。而況處夷塗，奚事生嗟憤。於世少所求，俯仰有餘快。俊命堪終古，曾不願乎外。

